

थेरीगाथा

राहुलसङ्किचानेन
आनन्दकोसल्लानेन
जगदीसकस्सपेन च
सम्पादितो

उत्तमभिक्खुना पकासितो

२४८१ बुद्धवत्सरे (1937 A.C.)

प्राङ्निवेदनम्

पालिवाङ्मयस्य नागराक्षरे मुद्रणं अत्यपेक्षितमिति नाविदितचरं भारती-
येतिहासविविदिषूणाम् । संस्कृतपालिभाषयोरतिसामीप्यादपि यत् परस्सहसेभ्यः
जिज्ञासुभ्यः संस्कृतज्ञेभ्यः पालिग्रन्थराश्यवगाहनं दुष्करमिव प्रतिभाति तत् लिपि-
भेदादेव । एतदर्थमयमस्माकमभिनवः प्रयासः । अत्र नूतना अपि पाठभेदाः निघेया
इत्यासीदस्माकं मनीषा परं कालात्ययभीत्याऽत्र प्रथमभागे धम्मपदादन्यत्र न तत्
कृतमभूत् । अधोटिप्पणीषु सन्निवेशिताः पाठभेदाः । प्रायः Pali Text Society
मुद्रितेभ्यो ग्रन्थेभ्य उद्धृताः ।

अर्थसाहाय्यं विना अस्मत्समीहितं हृदि निगूहितमेव स्यात् । तत्र भदन्तेन
उत्तमस्थविरेण साहाय्यं प्रदाय महदुपकृतमिति निवेदयन्ति—

कार्तिकशुक्लैकादश्यां
२४८० बुद्धाब्दे

राहुलः सांकृत्यायनः
आनन्दः कौसल्यायनः
जगदीशः काश्यपश्च

विषय-सूची

	पिट्टङ्को		पिट्टङ्को
१—एककनिपातो	.. १	६—नवनिपातो	.. १६
२—द्वुकनिपातो	.. ३	१०—एकादसनिपातो	.. २०
३—तिकनिपातो	.. ५	११—द्वादसनिपातो	.. २१
४—चतुष्कनिपातो	.. ७	१२—सोलसनिपातो	.. २२
५—पंचनिपातो	.. ८	१३—बीसतिनिपातो	.. २३
६—छनिपातो	.. १३	१४—तिसनिपातो	.. ३१
७—सप्तनिपातो	.. १६	१५—चत्तालीनिपातो	.. ३४
८—अट्ठनिपातो	.. १८	१६—पुमेधा महानिपातो	.. ३७

नमो तस्स भगवतो अरहतो सम्मासम्बुद्धस्स

थेरीगाथा

१—एकक निपातो

सुखं सुपाहि थेरीके कत्वा चोलेन पारुता ।
उपसन्तो हि ते रागो सुखडाकं व कुम्भियं ॥१॥
इत्थं सुदं अञ्जतरा थेरी अपञ्जाता
भिक्षुनी गाथं अभासित्था' ति ॥
मुत्ते मुच्चस्सु योगेहि चन्दो राहुग्गहो इव ।
विप्पमुत्तेन चित्तेन अनणा भुञ्जाहि पिण्डकं ॥२॥
इत्थं सुदं भगवा मुत्तं सिक्खमानं इमाय
गाथाय अभिण्हं ओवदति ॥
पुण्णे पूरस्सु धम्मेहि चन्दो पन्नरसेरिव ।
परिपुण्णाय पञ्जाय तमोक्खन्धं पदालय ॥३॥

पुण्णा

तिस्से सिक्खस्सु सिक्खाय मा तं योगा उपच्चगुं ।
सब्बयोगविसंयुत्ता चर लोके अनासवा ॥४॥

तिस्सा

तिस्से युञ्जस्सु धम्मेहि खणो तं मा उपच्चगा ।
खणातीता हि सोचन्ति निरयम्हि समप्पिता ॥५॥

अञ्जतरा तिस्सा

धीरे निरोधं फुसेहि सञ्जावूपसमं सुखं ।
आराधयाहि निब्बानं योगक्खेमं अनुत्तरं ॥६॥

धीरा

धीरा धीरेहि धम्मेहि भिक्खुनी भावितिन्द्रिया ।
धारेहि अन्तिमं देहं जेत्वा मारं सवाहनं ॥७॥

अञ्जतरा धीरा

सद्धाय पब्बजित्वान मित्ते मित्तरता भव
भावेहि कुसले धम्मे योगक्खेमस्स पत्तिया ॥८॥

मित्ता

सद्धाय पब्बजित्वान भद्रे भद्ररता भव
भावेहि कुसले धम्मे योगक्खेमं अनुत्तरं ॥९॥

भद्रा

उपसमे तरे ओघं मच्चुधेय्यं सुदुत्तरं ।
धारेहि अन्तिमं देहं जेत्वा मारं सवाहनं ॥१०॥

उपसमा

सुमुत्ता साधु मुत्तम्हि तीहि खुज्जेहि मुत्तिया ।
उदुक्खलेन मुसलेन पतिना खुज्जकेन च ।
मुत्तम्हि जातिमरणा भवनेत्ति समूहता ॥११॥

मुत्ता

छन्दजाता अवसाये मनसा च फुटा सिया ।
कामेसु अप्पटिबद्धचित्ता उद्धंसोता ति वुच्चति ॥१२॥

धम्मदिन्ना

करोथ बुद्धसासनं यं कत्वा नानुत्तप्पति ।
खिप्पं पादानि धोवित्वा एकमन्ते निसीदथ ॥१३॥

विसाखा

धातुयो दुक्खतो दिस्वा मा जाति पुनरागमि ।
भवे छन्दं विराजेत्वा उपसन्ता चरिस्ससि ॥१४॥

सुमना

कायेन संवृता आसिं वाचाय उद चेतसा ।
समूलं तण्हमब्बूय्ह सीतिभूतमिह निब्बुता ॥१५॥

उत्तरा

सुखं त्वं वुड्ढि के सेहि कत्वा चोलेन पास्ता ।
उपसन्तो हि ते रागो सीतिभूता सि निब्बुता ॥१६॥

सुमना वुड्ढपब्बजिता

पिण्डपातं चरित्वान दण्डमोलुब्ध दुब्बला ।
वेधमानेहि गत्तेहि तत्थेव निपतिं छमा ।
दिस्वा आदीनवं काये अथ चित्तं विमुच्चि मे ॥१७॥

धम्मा

हित्वा घरे पब्बजित्वा हित्वा पुत्तं पसुं पियं ।
हित्वा रागञ्च दोसञ्च अविञ्जञ्च विराजिय ।
समूलं तण्हमब्बूय्ह उपसन्तमिह निब्बुता ॥१८॥

सङ्घा

एकिका थेरियो समत्ता ॥

२—दुकनिपातो

आतुरं असुचिं पूतिं पस्स नन्दे समुस्सयं ।
अमुभाय चित्तं भावेहि एकगं सुसमाहितं ॥१९॥
अनिमित्तञ्च भावेहि मानानुसयमुज्जह ।
ततो मानाभिसमया उपसन्ता चरिस्ससि ॥२०॥
इत्थं सुदं भगवा नन्दं सिक्खमानं इमाहि
गाथाहि अभिण्हं ओवदति ॥
ये इमे सत्तं बोज्झङ्गा मग्गा निब्बानपत्तिया ।
माविता ते मया सब्बे यथा बुद्धेन देसिता ॥२१॥

दिट्ठो हि मे सो भगवा अन्तिमो'यं समुस्सयो ।
विक्खीणो जातिसंसारो नत्थि दानि पुनब्भवो ॥२२॥

जेन्ती

सुमुत्तिके सुमुत्तिका साधु मुत्तिक म्हि मुसलस्स ।
अहिरिको मे छत्तकं वा पि उक्खलिका मे दळिद् भावाति ॥२३॥
रागञ्च अहं दोसञ्च विच्छिन्दन्ती विहरामि ।
सा रुक्खमूल मुपगम्म अहो सुखन्ति सुखतो ज्ञायामि ॥२४॥

अञ्जतरा थेरीभिक्षुनी अपञ्जाता

याव कासिजनपदो सुङ्को मे तत्तको अहु ।
तं कत्वा निगमो अग्धं अग्धे'नग्धं ठपेसि मं ॥२५॥
अथ निब्बिन्दहं रूपे निब्बिन्दञ्च विरज्ज'हं ।
मा पुन जातिसंसारं सन्धावेय्यं पुनप्पुनं
तिस्सो विज्जा सच्छिकता कतं बुद्धस्स सासनं ॥२६॥

अड्ढकासी

किञ्चापि खो म्हि किसिका गिलाना बाळ्हदुब्बला ।
दण्ड मोलुब्भ गच्छामि पब्बतं अभिरुहिय ॥२७॥
संघाटिं निक्खिपित्वान पत्तकञ्च निकुज्जिय ।
सेले खम्भेसि अत्तानं तमोक्खन्धं पदालिय ॥२८॥

चित्ता

किञ्चापि खो 'म्हि दुक्खिता दुब्बला गतयोब्बना ।
दण्डमोलुब्भ गच्छामि पब्बतं अभिरुहिय ॥२९॥
निक्खिपित्वान संघाटिं पत्तकञ्च निकुज्जिय ।
निसिन्ना चम्हि सेलम्हि अथ चित्तं विमुच्चिमे ।
तिस्सो विज्जा अनुप्पत्ता कतं बुद्धस्स सासनं ॥३०॥

मेत्तिका

चातुद्दसी पञ्चद्दसी या च पक्खस्स अट्ठमी ।
पारिहारिकपक्खञ्च अट्ठङ्गमुमसमागतं ।
उपोसथं उपगच्छिं देवकायाभिनन्दिनी ॥३१॥

सज्जा एकेन भत्तेन मुण्डा संधाटिपास्ता ।
देवकार्यं न पत्थे'हं विनेय्य हृदये दरं ॥३२॥

मिता

उद्धं पादतला अम्म अधो चे केसमत्थका ॥
पञ्चवेक्खस्सु 'मं कायं असुचिं पूतिगन्धिकं ॥३३॥
एवं विहरमानाय सब्बो रागो समूहतो ।
परिळाहो समुच्छिन्नो सीतिभूत'मिह निब्बुता ॥३४॥

अभयमाता

अभये भिदुरो कायो यत्थ सत्ता पुथुज्जना ।
निक्खिपस्सामिमं देहं संपजाना सतीमती ॥३५॥
बहूहि दुक्खघम्मेहि अप्पमादरताय मे ।
तण्हक्खयो अनुपत्तो कतं बुद्धस्स सासनं ॥३६॥

अभयत्थेरी

चतुक्खत्तुं पञ्चक्खत्तुं विहारा उपनिक्खमिं ।
अलद्धा चेतसो सन्ति चित्ते अवसवत्तिनि ॥३७॥
तस्सा मे अट्टमी रत्ति तण्हा मय्हं समूहता ।
बहूहि दुक्खघम्मेहि अप्पमादरताय मे ॥३८॥
तण्हक्खपो अनुपत्तो कतं बुद्धस्स सासन'न्ति

सामा

दुकनिपातो

३—तिकनिपातो

पण्णवीसति वस्सानि यथो पब्बजिताय मे ।
नाभिजानामि चित्तस्स समं लद्धं कुदाचनं ॥३९॥
अलद्धा चेतसो सन्ति चित्ते अवसवत्तिनि
ततो संवेगं आपादिं सरित्त्वा जिनसासनं ॥४०॥
बहूहि दुक्खघम्मेहि अप्पमादरताय मे ।
तण्हक्खयो अनुपत्तो कतं बुद्धस्स सासनं ।
अज्ज मे सत्तमी रत्ति यतो तण्हा विसोसिता ॥४१॥

अञ्जतरा सामा

चतुक्खत्तुं पञ्चक्खत्तुं विहारा उपनिक्खामि ।
 अलद्धा वेतसो सन्ति चित्ते अवसवत्तिनि ॥४२॥
 सा भिक्खुनि उपागच्छिं या मे सद्धायिका अहु ।
 सा मे धम्मं अदेसेसि खन्धायतनघातुयो ॥४३॥
 तस्सा धम्मं सुणित्वान यथा मं अनुसासि सा ।
 सत्ताहं एकपल्लङ्गके निसीदिं पीतिसुखसमप्पिता ।
 अट्टमिया पादे पसारोसि तमोक्खन्धं पदालिय ॥४४॥

उत्तमा

ये इमे सत्त बोज्झङ्गा मग्गा निब्बानपत्तिया ।
 भाविता ते मया सब्बे यथा बुद्धेन देसिता ॥४५॥
 सुञ्जतस्सानिमित्तस्स लाभिनी'हं यदिच्छितं ।
 ओरसा धीता बुद्धस्स निब्बानाभिरता सदा ॥४६॥
 सब्बे कामा समुच्छिन्ना ये दिब्बा ये च मानुसा ।
 विक्खीणो जातिसंसारो' नत्थि दानि पुनब्भवो ॥४७॥

अञ्जतरा उत्तमा

दिवा विहारा निक्खम्म गिज्झकूटमिह पव्वते ।
 नागं ओगाहमुत्तिण्णं नदीतीरमिह अद्दसं ॥४८॥
 पुरिसो अङ्कुसमादाय देहि पादन्ति याचति ।
 नागो पसारयि पादं पुरिसो नागमारुहि ॥४९॥
 दिस्वा अदन्तं दमितं मनुस्सानं वसं गतं ।
 ततो चित्तं समाधेमि खलु ताय वनं गता ॥५०॥

दन्तिका

अम्म जीवा ति वनमिह कन्दसि अत्तानं अधिगच्छ उब्बिरि ।
 चूलासीति सहस्सानि सब्बा जीवसनामिका ।
 एतम्हाळाहने दड्ढा तासं कमनुसोचसि ॥५१॥
 अब्बुहि वत मे सल्लं दुद्दसं हृदयनिस्सितं ।
 यं मे सोकपरेताय धीतु सोकं ब्यपानुदि ॥५२॥
 साज्ज अब्बूळ्हसल्लाहं निच्छाता परिनिब्बुता ।
 बुद्धं धम्मञ्च संघञ्च उपेमि सरणं मुनि ॥५३॥

उब्बिरी

किं मे कता राजगहे मनुस्सा मधुं पीता व अच्छरे ।
 ये सुखं न उपासन्ति देसेन्तिं बुद्धसासनं ॥५४॥
 तच्च अप्पटिवानियं असेचनकमोजवं ।
 पिवन्ति मञ्जे सप्पञ्जा वलाहकमिवद्धू ॥५५॥
 सुक्का सुक्केहि धम्मेहि वीतरागा समाहिता ।
 धारेहि अन्तिमं देहं जेतवा मारं सवाहनं ॥५६॥

सुक्का

नत्थि निस्सरणं लोके किं विवेकेन काहसि ।
 भुञ्जाहि कामरतियो माहु पच्छानुतापिनी ॥५७॥
 सत्तिसूलूपमा कामा खन्धानं अधिकुट्टना ।
 यं त्वं कामरतिं ब्रूसि अरति दानि सा ममं ॥५८॥
 सब्बत्थ विहता नन्दि तमोक्खन्धो पदालितो ।
 एवं जानाहि पापिमा निहतो त्वमसि अन्तक ॥५९॥

सेला

यं तं इसीहि पत्तब्बं ठानं दुरभिसंभवं ।
 न तं द्वङ्गुलिपञ्जाय सक्का पप्पोतुमित्थिया ॥६०॥
 इत्थिभावो नो किं कथिरा चित्तम्हि सुसमाहिते ।
 ज्ञाणम्हि वत्तमानम्हि सम्मा धम्मं विपस्सतो ॥६१॥
 सब्बत्थ विहता नन्दि तमोक्खन्धो पदालितो ।
 एवं जानाहि पापिम निहतो त्वमसि अन्तक ॥६२॥

सोमा

तिकनिपातो निट्ठितो ॥३॥

४—चतुक्कनिपातो

पुत्तो बुद्धस्स दायादो कस्सपो सुसमाहितो ।
 पुब्बे निवासं यो वेदि सग्गापायञ्च पस्सति ॥६३॥

अथ जातिक्खयं पत्तो अभिञ्जावोसितो मुनि ।
 एताहि तीहि विज्जाहि तेविज्जो होति ब्राह्मणो ॥६४॥
 तथेव भद्दा कपिलानी ते विज्जा मच्चुहायिनी ।
 धारेति अन्तिमं देहं जेत्वा मारं सवाहनं ॥६५॥
 दिस्वा आदीनवं लोके उभो पब्बजिता मयं ।
 त्यम्ह खीणासवा दन्ता सीतिभूत म्ह निब्बुता ति ॥६६॥

भद्दा कपिलानी

चतुष्कनिपातो निट्ठितो

५-पञ्चनिपातो

पण्णवीसति वस्सानि यतो पब्बजिता अहं ।
 अच्छरासंघातमत्तं पि चित्तस्सुपसमज्झगं ॥६७॥
 अलद्धा चेतसो सन्ति कामरागे न वस्सुता ।
 बाहा पगयूह कन्दन्ती विहारं पाविसि अहं ॥६८॥
 सा भिक्खुनि उपागच्छि या मे सद्धायिका अहु ।
 सा मे धम्मं अदेसेसि खन्धायतनधातुयो ॥६९॥
 तस्सा धम्मं सुणित्वान एकमन्ते उपाविसि ।
 पुब्बेनिवासं जानामि दिब्बचक्खुं विसोधितं ॥७०॥
 चेतो परिच्च ज्ञाणञ्च सोतधातु विसोधिता ।
 इद्धि पि मे सच्छिकता पत्तो मे आसवक्खयो ।
 छ मे 'भिञ्जा सच्छिकता कतं बुद्धस्स सासनं ॥७१॥

अञ्जतरा भिक्खुनी अपञ्जाता

मत्ता वण्णेन रूपेण सोभग्गेण यसेन च ।
 योब्बनेन चुपत्थद्धा अञ्जा सुमतिमञ्जिहं ॥७२॥
 विभूसेत्वा इमं कायं सुचित्तं बालालपनं ।
 अट्ठासि वेसिद्वारम्हि लुट्ठो पासमिवोड्डिय ॥७३॥
 पिलन्धनं विदसेन्ती गुयुहं पकासिकं बहुं ।
 अकासिं विविधं मायं उज्जग्घन्ती बहुं जनं ॥७४॥

साज्ज पिण्डं चरित्वान् मुण्डा संचाटिपारुता ।
 निसिन्ना रुक्खमूलम्हि अवितक्कस्स लाभिनी ॥७५॥
 सब्बे योगा समुच्छिन्ना ये दिब्बा ये च मानुसा ।
 खेपेत्वा आसवे सब्बे सीतिभूत म्हि निब्बुता ॥७६॥

विमला पुराणगणिका

अयोनिसोमनसिकारा कामरागेन अद्दिता ।
 अहोसि उद्धटा पुब्बे चित्ते अवसवत्तिनि ॥७७॥
 परियुट्ठिता किलेसेहि सुखसञ्जानुवत्तिनी ।
 समं चित्तस्स नालभि रागचित्तवसानुगा ॥७८॥
 किंसा पण्डु विवण्णा च सत्त वस्सानि चारि'हं ।
 नाहं दिवा वा रत्तिं वा सुखं विन्दि सुदुक्खिता ॥७९॥
 ततो रज्जुं गहेत्वान् पार्विसि वनमन्तरं ।
 वरं मे इध उब्बन्धं यञ्च हीनं पुनाचरे ॥८०॥
 दळ्हपासं करित्वान् रुक्खसाखाय बन्धिय ।
 पक्खिपि पासं गीवायं अथ चित्तं विमुच्चि मे ॥८१॥

सीहा

आतुरं असुचिं पूतिं पस्स नन्दे समुस्सयं ।
 असुभाय चित्तं भावेहि एकगं सुसमाहितं ॥८२॥
 यथा इदं तथा एतं यथा एतं तथा इदं ।
 दुग्गन्धं पूतिकं वाति बालानं अभिनन्दितं ॥८३॥
 एवं एतं अवेक्खन्ती रत्तिन्दिवमतन्दिता ।
 ततो सकाय पञ्जाय अभिनिब्बिज्ज दक्खिसं ॥८४॥
 तस्सा मे अप्पमत्ताय विचिनन्तिय योनिस्सो ।
 यथाभूतं अयं कायो दिट्ठो सन्तरवाहिरो ॥८५॥
 अथ निब्बिन्दहं काये अज्झत्तञ्च विरज्जहं ।
 अप्पमत्ता विसंयुत्ता उपसन्तम्हि निब्बुता ॥८६॥

नन्दा

अग्गिं चन्दञ्च सुरियञ्च देवता च नमस्सि 'हं ।
 नदीतित्थानि गन्त्वान् उदकं ओरुहामि 'हं ॥८७॥

बहूवतसमादाना अड्ढं सीसस्स ओलिखि ।
 छमाय सेय्यं कप्पेमि रत्तिभत्तं न भुञ्जि 'हं ॥८८॥
 विभूसमण्डनरता न्हापनुच्छादनेहि च ।
 उपकासिं इमं कायं कामरागेन अद्दिता ॥८९॥
 ततो सद्धं लभित्वान पब्बजिं अनगारियं ।
 दिस्वा कायं तथाभूतं कामरागं समूहतो ॥९०॥
 सब्बे भवा समुच्छिन्ना इच्छा च पत्थना पि च ।
 सब्बयोगविसंयुत्ता सन्ति पापुणिं चेतसो ॥९१॥

नन्दुत्तरा थेरी

सद्धाय पब्बजित्वान अगारस्मा अनगारियं ।
 विचरि 'हं तेन तेन लाभसक्कारउस्सुका ॥९२॥
 रिञ्चित्वा परमं अत्थं हीनमत्थं असेवि 'हं ।
 किलेसानं वसं गत्वा सामञ्जत्थं निरज्जि 'हं ॥९३॥
 तस्सा मे अहु संवेगो निसिन्नाय विहारके ।
 उम्मगगपटिपन्नमिह तण्हाय वसमागता ॥९४॥
 अप्पकं जीवितं मय्हं जरा व्याधि च महति ।
 पुण्यं भिज्जति कायो न मे कालो पमज्जितुं ॥९५॥
 यथाभूतमपेक्खन्ती खन्धानं उदयब्बयं ।
 विमुत्तचित्ता उट्ठासिं कतं बुद्धस्स सासनं ॥९६॥

मित्तकाली

अगारस्मि वसन्ती 'हं धम्मं सुत्वान भिक्खुनो ।
 अद्दसं विरजं धम्मं निब्बानपदमच्चुतं ॥९७॥
 साहं पुत्तधीतरञ्च धनधाञ्जच छड्डिय ।
 केसे छेदापयित्वान पब्बजिं अनगारियं ॥९८॥
 सिक्खमाना अहं सन्ति भावेन्ती मगमञ्जसं ।
 पहासिं रागदोसञ्च तदेकट्ठे च आसवे ॥९९॥
 भिक्खुनी उपसम्पज्ज पुब्बजातिं अनुस्सरि ।
 दिब्बचक्खुं विसोधितं विमलं साधु भावितं ॥१००॥
 सड्खारे परतो दिस्वा हेतुजाते पलोकिने ।
 पहासिं आसवे सब्बे सीतिभूतमिह निब्बुता ॥१०१॥

सकुला

दस पुत्ते विजायित्वा अस्मि रूपसमुत्सये ।
 ततो 'हं दुब्बला जिण्णा भिक्खुनि उपसङ्गमि ॥१०२॥
 सा मे धम्ममदेसेसि खन्धायतनधातुयो ।
 तस्सा धम्मं सुणित्वान् केसे छेत्तवान् पब्बजि ॥१०३॥
 तस्सा मे सिक्खमानाय दिब्बचक्खुं विसोधितं ।
 पुब्बेनिवासं जानामि यत्थ मे वसितं पुरे ॥१०४॥
 अनिमित्तञ्च भावेमि एकग्गा सुसमाहिता ।
 अनन्तराविमोक्खासि अनुपादाय निब्बुता ॥१०५॥
 पञ्चक्खन्धा परिञ्जाता तिट्ठन्ति छिन्नमूलका ।
 ठितिवत्थुजनेज म्हि नत्थि दानि पुनब्भवो ॥१०६॥

सोणा

लूनकेसी पङ्कधारी एकसाटी पुरे चरि ।
 अवज्जे वज्जमतिनी वज्जे चावज्जदस्सिनी ॥१०७॥
 दिवाविहारा निक्खम्म गिज्झकूटम्हि पब्बते ।
 अद्दसं विरजं बुद्धं भिक्खुसङ्गधपुरक्खतं ॥१०८॥
 निहृच्च जानुं वन्दित्वा सम्मुखा पञ्जलि अहं ।
 एहि भदे ति अवच सा मे आसूपसम्पदा ॥१०९॥
 चिण्णा अङ्गा च मगधा वज्जी कासी च कोसला ।
 अनणा पण्णासवस्सानि रट्ठपिण्डं अभुञ्जि 'हं ॥११०॥
 पुञ्जं च पसविं बहुं सप्पञ्जो वतायमुपासको ।
 यो भद्दाय चीवरमदासि मुत्ताय सब्बगन्धेहि ॥१११॥

भद्दा पुराणनिगण्ठी

नङ्गलेहि कसं खेतं बीजानि पवपं छमा ।
 पुत्तदारानि पोसेन्ता धनं विदन्ति मानवा, ॥११२॥
 किमहं सीलसम्पन्ना सत्थुसासनकारिका ।
 निब्बानं नाधिगच्छामि अकुसीता अनुद्धता ॥११३॥
 पादे पक्खालयित्वान् उदके सुकरोमहं ।
 पादोदकञ्च दिस्वान् थलतो निन्नमागतं ।
 ततो चित्तं समाधेमि अस्सं भद्रं व जानियं ॥११४॥

ततो दीपं गहेत्वान विहारं पाविसि अहं ।
 सेय्यं ओलोकयित्वान मञ्चकम्हि उपाविसि ॥११५॥
 ततो सूचिं गहेत्वान वट्ठि ओकस्सयामहं ।
 पदीपस्सेव निब्बानं विमोक्खो अहु चेतसो ॥११६॥

पटाचारा

मुसलानि गहेत्वान धञ्जं कोट्टेन्ति मानवा
 पुत्तदारानि पेसेन्ता धनं विन्दन्ति मानवा ॥११७॥
 करोथ बुद्धसासनं यं कत्वा नानुत्पपति ।
 खिप्पं पादानि धोवित्वा एकमन्ते निसीदथ ।
 चेतोसमथमनुयुत्ता करोथ बुद्धसासनं ॥११८॥
 तस्सा ता वचनं सुत्वा पटाचाराय सासनं ।
 पादे पक्खालयित्वान एकमन्तं उपाविसुं ।
 चेतोसमथमनुयुत्ता अकंसु बुद्धसासनं ॥११९॥
 रत्तिया पुरिमे यामे पुब्बजातिं अनुस्सरं ।
 रत्तिया मज्झिमे यामे दिब्बचक्खुं विसोधयुं ॥
 रत्तिया पच्छिमे यामे तमोखन्धं पादालयुं ॥१२०॥
 उट्ठाय पादे वन्दिसु कता ते अनुसासनी ।
 इन्दं व देवा तिदसा संगामे अपराजितं ।
 पुरक्खित्वा विहिस्साम तेविज्ज म्हा अनासवा ॥१२१॥
 एतिमा तिसमत्ता थेरीभिक्षुनियो पटाचाराय
 सन्तिके अञ्जं ब्याकंसु ॥
 दुग्गताहं पुरे आसिं विधवा च अपुत्तिका ।
 विना मित्तेहि आतीहि भत्तचोळस्स नाधिगं ॥१२२॥
 पत्तं दण्डं च गण्हित्वा भिक्खमाना कुला कुलं ।
 सीतुण्हेन च ड्युहन्ति सत्त वस्सानि चारि 'हं ॥१२३॥
 भिक्खुनिं पुन दिस्वान अन्नपानस्स लाभिनि ।
 उपसंकम्म अवोचं पब्बजिं अनगारियं ॥१२४॥
 सा च मं अनुकम्पाय पब्बाजेसि पटाचारा ।
 ततो मं ओवदित्वान परमत्थे नियोजयि ॥१२५॥

तस्साहं वचनं सुत्वा अकासिं अनुसासनि ।
अमोघो अय्याय ओवादो तेविज्जम्हि अनासवा ॥१२६॥

चन्दा

पञ्चनिपातो समत्तो

६-छनिपातो

यस्स मग्गं न जानासि आगतस्स गतस्स वा ।
तं कुतो आगतं पुत्तं मम पुत्तो ति रोदसि ॥१२७॥
मग्गं च खोस्स जानासि आगतस्स गतस्स वा ।
न नं समनुसोचेसि एवं धम्मा हि पाणिनो ॥१२८॥
अयाचितो ततो 'गच्छि अननुज्जातो इतो गतो ।
कुतो पि नून आगन्त्वा वसित्वा कतिपाहकं ॥१२९॥
इतो पि अज्जेनागतो ततो अज्जेन गच्छति ।
पेतो मनुस्सरूपेण संसरन्तो गमिस्सति ।
यथागतो तथा गतो का तत्थ परिदेवना ॥१३०॥
अब्बुहि वत मे सल्लं दुद्दसं हृदयनिस्सितं ।
या मे सोकपरेताय पुत्तसोकं व्यपानुदि ॥१३१॥
साज्ज अब्बूळ्हसल्लाहं निच्छाता परिनिब्बुता ।
बुद्धं धम्मञ्च संघञ्च उपेमि सरणं मुनि ॥१३२॥

पञ्चसता पटाचारा

पुत्तसोकेनहं अट्टा खित्तचित्ता विसज्जिनी ।
नग्गा पकिण्णकेसी च तेन तेन विचारि 'हं ॥१३३॥
वीथिसङ्कारकूटेसु सुसाने रथियासु च ।
अचरिं तीणि वस्सानि खुप्पिपासा समप्पिता ॥१३४॥
अथद्दसानि सुगतं नगरं मिथिलं गतं ।
अदन्तानं दमेतारं सम्बुद्धं अकुतोभयं ॥१३५॥
सं चित्तं पटिलद्धानं वन्दित्वान उपाविसि ।
सो मे धम्ममदेसेसि अनुकम्पाय गोमतो ॥१३६॥

तस्स धम्मं सुणित्वान् पब्बजिं अनगारियं ।
 युञ्जन्ति सत्थु वचने सच्छाकासिं पदं सिवं ॥१३७॥
 सब्बे सोका समुच्छिन्ना पहीना एतदन्तिका ।
 परिञ्जाता हि मे वत्थू यतो सोकान् सम्भवो ॥१३८॥

वासिट्ठी

दहरा तुवं रूपवती अहं पि दहरो युवा ।
 पञ्चङ्गिकेन तुरियेन एहि खेमे रमामसे ॥१३९॥
 इमिना पूतिकायेन आतुरेन पभङ्गुना ।
 अदियामि हरायामि कामतण्हा समूहता ॥१४०॥
 सत्तिसूलूपमा कामा खन्धानं अभिकुट्टना ।
 यं त्वं कामरतिं ब्रूसि अरतिं दानि सा ममं ॥१४१॥
 सब्बत्थं विहता नन्दि तमोक्खन्धो पदालितो ।
 एवं जानाहि पापिम निहतो त्वमसि अन्तक ॥१४२॥
 नक्खत्तानि नमस्सन्ता अग्निं परिचरं वने ।
 यथाभुच्चं अजानन्ता बाला सुद्धिं अमञ्जथ ॥१४३॥
 अहञ्च खो नमस्सन्ती सम्बुद्धं परिसुत्तमं ।
 परिमुत्ता सब्बदुक्खेहि सत्थु सासनकारिका ॥१४४॥

खेमा

अलंकता सुवसना मालिनी चन्दनोक्खिता ।
 सब्बाभरणसञ्छन्ना दासीगणपुरक्खिता ॥१४५॥
 अन्नं पानं च आदाय खज्जं भोज्जं अनप्पकं ।
 गेहतो निक्खमित्वान् उय्यानमभिहारयिं ॥१४६॥
 तत्थ रमित्वा कीळित्वा आच्छन्ती सकं घरं ।
 विहारं दक्खि पार्विसिं साकेते अञ्जनं वनं ॥१४७॥
 दिस्वान लोकपज्जोतं वन्दित्वान् अपार्विसिं ।
 सो मे धम्मं अदेसेसि अनुकम्पाय चक्खुमा ॥१४८॥
 सुत्वा च खो महेसिस्स सच्चं सुप्पटिविज्झहं ।
 तत्थेव विरजं धम्मं फुसरिं अमतं पदं ॥१४९॥
 ततो विञ्जातसद्धम्मा पब्बजिं अनगारियं ।
 तिस्सो विज्जा अनुपत्ता अमोघं बुद्धसासनं ॥१५०॥

सुजाता

उच्चे कुले अहं जाता बहुवित्ते महद्धने ।
 वण्णरूपेण सम्पन्ना धीता मज्झस्स अत्रजा ॥१५१॥
 पत्थिता राजपुत्तेहि सेट्ठिपुत्तेहि गिज्झिता ।
 पितु मे पेसयि दूतं देथ मय्हं अनोपमं ॥१५२॥
 यत्तकं तुलिता एसा तुय्हं धीता अनोपमा ।
 ततो अट्ठङ्गुणं दस्सं हिरञ्जं रत्तनानि च ॥१५३॥
 साहं दिस्वान सम्बुद्धं लोकजेट्ठं अनुत्तरं ।
 तस्स पादानि वन्दित्वा एकमन्तं उपाविसि ॥१५४॥
 सो मे धम्ममदेसेसि अनुकम्पाय गोतमो ।
 निसिन्ना आसने तस्मिं फुसयिं ततियं फलं ॥१५५॥
 ततो केसानि छेत्वान पब्बजिं अनगारियं ।
 साज्ज मे सत्तमी रत्ति यतो तण्हा विसोसिता ॥१५६॥

अनोपमा

बुद्ध वीर नमो त्यत्थु सब्बसत्तानमुत्तम ।
 यो हं दुक्खा पमोचेसि अञ्जञ्च बहुकं जतं ॥१५७॥
 सब्बदुक्खं परिञ्जातं हेतुतण्हा विसोसिता ।
 अरियट्ठिङ्गको मग्गो निरोधो फुसितो मया ॥१५८॥
 माता पुत्तो पिता भाता अय्यिका च पुरे अहं ।
 यथाभुच्चमजानन्ति संसरि 'हं अनिब्बिसं ॥१५९॥
 दिट्ठो हि मे सो भगवा अन्तिमो 'यं समुस्सयो ।
 विक्खीणो जातिसंसारो नत्थि दानि पुनब्भवो ॥१६०॥
 आरद्धविरिये पहितत्ते निच्चं दळ्हपरक्कमे ।
 समग्गे सावके पस्स एसा बुद्धान वन्दना ॥१६१॥
 बहूनं वत अत्थाय माया जनयि गोतमं ।
 ब्याधिमरणतुन्नानं दुक्खक्खन्धं ब्यापानुदि ॥१६२॥

महापजापती गोतमी

गुत्ते यदत्थं पब्बज्जा हित्वा पुत्तं समुस्सयं ।
 तमेव अनुब्रूहेहि मा चित्तस्स वसं गमि ॥१६३॥

चित्तेन वञ्चिता सत्ता मारस्स विसये रता ।
 अनेकजातिसंसारं सन्धावन्ति अविद्सू ॥१६४॥
 कामच्छन्दञ्च व्यापादं सक्कायदिट्ठिमेव च ।
 सीलब्धतपरामासं विचिकिच्छञ्च पञ्चमं ॥१६५॥
 संयोजनानि एतानि पजहित्वान भिक्खुनि ।
 ओरम्भागमनीयानी नयिदं पुनरेहिसि ॥१६६॥
 रागं मानं अविज्जञ्च उद्धञ्चञ्च विवज्जिय ।
 संयोजनानि छेत्वा न दुक्खस्सन्तं करिस्ससि ॥१६७॥
 खेपेत्वा जातिसंसारं परिञ्जाय पुनब्भवं ।
 दिट्ठेव धम्मे निच्छाता उपसन्ता चरिस्ससि ॥१६८॥

गुत्ता

चतुक्खत्तुं पञ्चक्खत्तुं विहारा उपनिक्खमि ।
 अलद्धा चेतसो सन्ति चित्ते अवसवत्तिनि ॥१६९॥
 भिक्खुनि उपसङ्कम्म सक्कच्चं परिपुच्छहं ।
 सा मे धम्ममदेसेसि धातुआयतनानि च ॥१७०॥
 चत्तारि अरियसच्चानि इन्द्रियानि बलानि च ।
 बोज्जभङ्गद्वुज्झिकं मगं उत्तमत्थस्स पत्तिया ॥१७१॥
 तस्साहं वचनं सुत्वा करोन्ती अनुसारिणि ।
 रत्तिया पुरिमे यामे पुब्बजातिमनुस्सरि ॥१७२॥
 रत्तिया मज्झिमे यामे दिब्बचक्खुं विसोर्धयि ।
 रत्तिया पच्छिमे यामे तमोक्खन्धं पदालयि ॥१७३॥
 पीतिसुखेन च कायं फरित्वा विहरिं तदा ।
 सत्तमिया पादे पसारेमि तमोक्खन्धं पदालय ॥१७४॥

विजया

छानिपातो समत्तो

७—सत्तनिपातो

मुसलानि गहेत्वान धञ्जं कोट्टेन्ति मानवा ।
 पुत्तदारानि पोसेन्ता धनं विन्दन्ति मानवा ॥१७५॥

घय्य बुद्धसासने यं कत्वा नानुतप्पति ।
 खिप्पं पादानि धोवित्वा एकमन्तं निसीदथ ॥१७६॥
 चित्तं उपट्टपेत्त्वान एकगं सुसमाहितं ।
 पन्चवेक्खथ सङ्खारे परतो न च अत्ततो ॥१७७॥
 तस्साहं वचनं सुत्वा पटाचारानुसासनिं ।
 पादे पक्खालयित्वान एकमन्तो उपाविसि ॥१७८॥
 रत्तिथ्या पुरिमे यामे पुब्बजातिं अनुस्सरिं ।
 रत्तिथ्या मज्झिमे यामे दिब्बचक्खुं विसोधयिं ॥१७९॥
 रत्तिथ्या पच्छिमे यामे तमोक्खन्धं पदालयिं ।
 तेविज्जा अथ बुद्धामि कता ते अनुसासनी ॥१८०॥
 सक्कं व देवा तिदसा सङ्गामे अपराजितं ।
 पुरक्खित्वा विहिस्सामि तेविज्जं म्हि अनासवा ॥१८१॥

उत्तरा

सति उपट्टपेत्त्वान भिक्खुनी भावितिन्द्रिया ।
 पटिविज्झिं पदं सन्तं सङ्खारूपसमं सुखं ॥१८२॥
 किन्नु उद्दिस्स मुण्डा सि समणी विय दिस्ससि ।
 न च रोचेसि पासण्डे किमिदं चरसि मोमुहा ॥१८३॥
 इतो बहिद्धा पासण्डा दिट्ठियो उपनिस्सिता ।
 न ते धम्मं विजानन्ति न ते धम्मस्स कोविदा ॥१८४॥
 अत्थि सक्ककुले जातो बुद्धो अप्पटिपुग्गलो ।
 सो मे धम्ममदेसेसि दिट्ठीनं समतिक्कमं ॥१८५॥
 दुक्खं दुक्खसमुप्पादं दुक्खस्स च अतिक्कमं ।
 अरियदुङ्गिकं मगं दुक्खूपसमगामिनं ॥१८६॥
 तस्साहं वचनं सुत्वा विहरिं सासने रता ।
 तिस्सो विज्जा अनुप्पत्ता कतं बुद्धस्स सासनं ॥१८७॥
 सङ्गत्थ विहता नन्दि तमोक्खन्धो पदालितो ।
 एवं जानाहि पापिम निहतो त्वमसि अन्तक ॥१८८॥

चाला

सतीमती चक्खुमती भिक्खुनी भावितिन्द्रिया ।
 पटिविज्झिं पदं सन्तं अकापुरिससेवितं ॥१८९॥

किं नु जातिं न रोचेसि जातो कामानि भुञ्जति ।
 भुञ्जाहि कामरतियो माहु पच्छानुतापिनी ॥१९०॥
 जातस्स मरणं होति हत्थपादान छेदनं ।
 वधवन्धपरिक्लेशं जातो दुक्खं निगच्छति ॥१९१॥
 अत्थि सक्ककुले जातो सम्बुद्धो अपराजितो ।
 सो मे धम्ममदेसेसि जातिया समतिककमं ॥१९२॥
 दुक्खं दुक्खसमुप्पादं दुक्खस्स च अतिककमं ।
 अरियद्वुङ्गिकं मग्गं दुक्खूपसमगामिनं ॥१९३॥
 तस्साहं वचनं सुत्वा विहरिं सासनं रता ।
 तिस्सो विज्जा अनुपत्ता कतं बुद्धस्स सासनं ॥१९४॥
 सब्बत्थ विहता नन्दि तमोक्खन्धो पदालितो ।
 एवं जानाहि पापिम निहतो त्वमसि अन्तक ॥१९५॥

उपचाला

सत्तनिपातो समत्तो

८—अट्टनिपातो

भिक्खुनी सालसम्पन्ना इन्द्रियेसु सुसंवृता ।
 अधिगच्छे पदं सन्तं असेचनकमोजवं ॥१९६॥
 तावतिसा च यामा च तुसिता चापि देवता ।
 निम्मानरतिनो देवा ये देवा वसवत्तिनो ।
 तत्थ चित्तं पणिधेहि यत्थ ते वुसितं पुरे ॥१९७॥
 तावतिसा च यामा च तुसिता चापि देवता ।
 निम्मानरतिनो देवा ये देवा वसवत्तिनो ॥१९८॥
 कालं कालं भवा भवं सक्कायस्मि पुरक्खता ।
 अबीतिवत्ता सक्कायं जातिमरणसारिनो ॥१९९॥
 सब्बो आदीपितो लोको सब्बो लोकी परिदीपितो ।
 सब्बो पज्जलितो लोको सब्बो लोको पक्कम्पितो ॥२००॥

अकम्पितं अतुलियं अपुथुज्जनसेवितं ।
 बुद्धो धम्मं मे देसेसि तत्थ मे निरत्तो मनो ॥२०१॥
 तस्साहं वचनं सुत्वा विहरिं सासने रता ।
 तिस्सो विज्जा अनुप्पत्ता कतं बुद्धस्स सासनं ॥२०२॥
 सब्बत्थ विहता नन्दि तमोक्खन्धो पदालितो ।
 एवं जानाहि पापिम निहतो त्वमसि अन्तक ॥२०३॥

सीसूपचाला

अठटनिपातो समत्तो

६—नवनिपातो

मा सु ते वड्ढ लोकम्हि वनथो अहु कुदाचनं ।
 मा पुत्तक पुनप्पुनं अहु दुक्खस्स भागिमा ॥२०४॥
 सुखं हि वड्ढ मुनयो अनेजा छिन्नसंसया ।
 सीतिभूता दमप्पत्ता विहरन्ति अनासवा ॥२०५॥
 तेहानुचिण्णं इसीभि मग्गं दस्सनपत्तिया ।
 दुक्खस्सन्तकिरियाय त्वं वड्ढ अनुब्रूहय ॥२०६॥
 विसारदा व भणसि एतमत्थं जनेत्ति मे ।
 मज्झामि नून मामिके वनथो तेन विज्जति ॥२०७॥
 ये केचि वड्ढ सङ्खारो हीनउक्कट्टमज्झिमा ।
 अणु पि अणुमत्तो पि वनथो मे न विज्जति ॥२०८॥
 सब्बे मे आसवा खीणा अप्पमत्तस्स ज्ञायतो ।
 तिस्सो विज्जा अनुप्पत्ता कतं बुद्धस्स सासनं ॥२०९॥
 उळारं वत मे माता पतोदं समवस्सरि ।
 परमत्थसज्जिता गाथा यथापि अनुकम्पिका ॥२१०॥
 तस्साहं वचनं सुत्वा अनुसिट्ठि जनेत्तिया ।
 धम्मसंवेगमापादि योगक्खेमस्स पत्तिया ॥२११॥

सो 'हं पधानपहित्तो रन्तिन्दिवमतन्दितो ।
मातरा चोदितो सन्तो अफुसिं सन्तिमुत्तमं ॥२१२॥

वड्डमाता

नवनिपातो समत्तो

१०—एकादसनिपातो

कल्याणमित्तता मुनिना लोकं आदिस्स वणिता ।
कल्याणमित्ते भजमानो अपि बालो पणितो अस्स ॥२१३॥
भजितब्बा सप्पुरिसा पञ्ञा तथा पवड्डति भजन्तानं ।
भजमानो सप्पुरिसे सब्बेहि पि दुक्खे मुच्चेय ॥२१४॥
दुक्खञ्च विजानेय्य दुक्खस्स च समुदयं ।
निरोधञ्च अट्ठङ्गिकं मगं चत्तारि अरियसच्चानि ॥२१५॥
दुक्खो इत्थिभावो अक्खातो पुरिसदम्मसारथिना ।
सपत्तिकं पि दुक्खं अप्पेक्कवा सकिं विजातायो ॥२१६॥
गले अपकन्तति सुखुमालिनियो विसानि खादन्ति ।
जनमारकमज्झगता उभो पि व्यसनानि अनुभोन्ति ॥२१७॥
उपविजञ्ञा गच्छन्ति अद्दसाहं पतिं मतं पन्थे ।
विजायित्वान अप्पत्ताहं सकं गेहं ॥२१८॥
द्वे पुत्ता कालङ्कता पति च पन्थे मतो कपणिकाय ।
माता पिता च भाता च डय्हन्ति एकचित्तायं ॥२१९॥
खीणकुलीने कपणे अनुभूतं ते दुक्खं अपरिमाणं ।
अस्सु च ते पवत्तं बहूनि जाति सहस्सानि ॥२२०॥
पस्सिं तं सुसानमज्झे अथो पि खादितानि पुत्तमंसानि ।
हतकुलिका सब्बगरहिता मतपतिका अमतमधिगच्छिं ॥२२१॥
भावितो मे मग्गो अरियो अट्ठङ्गिको अमतगामी ।
निब्बानं सच्छिकतं धम्मादासं अपेक्खि 'हं ॥२२२॥

अहं अह्नि कन्तसल्ला ओहितभारा कतं मे करणीयं ।
किसागोतमी थेरी सुविमुत्तचित्ता इमं भणी ति ॥२२३॥

किसा गोतमी

एकादस निपातो समप्तो

११-द्वादसनिपातो

उभो माता च धीता च मयं आसुं सपत्तियो ।
तस्सा मे अहु संवेगो अब्भुतो लोमहंसनो ॥२२४॥
धिरत्थु कामा असुची दुग्गन्धा बहुकण्टका ।
यथा माता च धीता च सभरिया मयं अहुं ॥२२५॥
कामेस्वादीनवं दिस्वा नेक्खम्मं दल्लुहखेमतो ।
सा पब्बजि राजगहे अगारस्मा अनगारियं ॥२२६॥
पुब्बेनिवासं जानामि दिब्बचक्खुं विसोधितं ।
चेतो परिच्च जाणञ्च सोतधातु विसोधिता ॥२२७॥
इद्धि पि मे सच्छिकता पत्तो मे आसवक्खयो ।
छ मे अभिञ्जा सच्छिकता कतं बुद्धस्स सासनं ॥२२८॥
इद्धिया अभिनिम्मित्वा चतुरस्सं रथं अहं ।
बुद्धस्स पादे वन्दित्वा लोकनाथस्स सिरीमतो ॥२२९॥
सुपुप्फितगं उपगम्म पादपं एका तुवं तिट्ठसि रुक्खमूले ।
न चापि ते दुतियो अत्थि कोचि न त्वं बाले भायसि धुत्तकानं ॥२३०॥
सतं सहस्सानं पि धुत्तकानं समागता एदिसका भवेय्युं ।
लोकं न इञ्जे न पि सम्पवेधे किं मे तुवं मार करिस्सस' एको ॥२३१॥
एसा अन्तरधायामि कुच्छिं वा पविसामि ते ।
भमुक्कन्तरे तिट्ठामि तिट्ठन्तिं मं न दक्खिसि ॥२३२॥
चित्तमिह वसीभूता 'हं इद्धिपादा सुभाविता ।
छ मे अभिञ्जा सच्छिकता कतं बुद्धस्स सासनं ॥२३३॥
सत्तिसूलूपमा कामा खन्धानं अधिकुट्टना ।
यं त्वं कामरतिं ब्रूसि अरति दानि सा मम ॥२३४॥

सब्वत्थ विहता नन्दि तमोक्खन्धो पदालितो ।
एवं जानाहि पापिम निहतो त्वमसि अन्तका ति ॥२३५॥

उप्पलवण्णा

द्वादस निपातो समत्तो

१२—सोलसनिपातो

उदकहारी अहं सीते सदा उदकमोतरि ।
अय्यानं दण्डभयभीता वाचादोसभयहिता ॥२३६॥
कस्स ब्राह्मण त्वं भीतो सदा उदकमोतरि ।
वेधमानेहि गत्तेहि सीतं वेदयसे भुसं ॥२३७॥
जानन्ती च तुवं भोति पुण्णिके परिपुच्छसि ।
करोन्तं कुसलं कम्मं रुधन्तं कम्म पापकं ॥२३८॥
यो च बुद्धो वा दहरो वा पापकम्मं पकुब्बति ।
उदकाभिसेचना सो पि पापकम्मा पमुच्चति ॥२३९॥
को नु ते इदमक्खासि अजानन्तस्स अजानतो ।
उदकाभिसेचना नाम पापकम्मा पमुच्चति ॥२४०॥
सगं नूनं गमिस्सन्ति सब्बे मण्डूककच्छपा ।
नागा च संसुमारा च ये चञ्जे उदकेचरा ॥२४१॥
ओरब्भिका सूकरिका मच्छिका मिगबन्धका ।
चोरा च वज्झघाता च ये चञ्जे पापकम्मिनो ।
उदकाभिसेचना ते पि पापकम्मा पमुच्चरे ॥२४२॥
स चे इमा नदियो ते पापं पुब्बेकतं वहेय्युं ।
पुञ्जं पिमा वहेय्युं तेन त्वं परिबाहिरो अस्स ॥२४३॥
यस्स ब्राह्मण त्वं भीतो सदा उदकमोतरि ।
तमेव ब्रह्मे माकासि मा ते सीतं छविं हने ॥२४४॥
कुमग्गं पटिपन्नं मं अरियमग्गं समानयि ।
उदकाभिसेचनं सोति इमं साटं ददामि ते ॥२४५॥
तुय्हेव साटको होतु नाहमिच्छामि साटकं ।
स चे भायसि दुक्खस्स स चे ते दुक्खमप्पियं ॥२४६॥

मा कासि पापकं कम्मं आवि वा यदि वा रहो ।
 सचे च पापकं कम्मं करिस्ससि करोसि वा ॥२४७॥
 न ते दुक्खापमुत्थत्थि उपेच्चापि पलायतो ।
 सचे भायसि दुक्खस्स स चे ते दुक्खमप्पियं ॥२४८॥
 उपेहि बुद्धं सरणं धम्मं सङ्घञ्च तादिनं ।
 समादिया हि सीलानि तन्ते अत्थाय हेहिति ॥२४९॥
 उपेमि बुद्धं सरणं धम्मं सङ्घञ्च तादिनं ।
 समादियानि सीलानि तं मे अत्थाय हेहिति ॥२५०॥
 ब्रह्मबन्धु पुरे आसि अज्जम्हि सच्चं ब्राह्मणो ।
 तेविज्जो वेदसम्पन्नो सोत्तियो चम्हि न्हातको ॥२५१॥

पुणिका

सोलसनिपातो समत्ता

१३—वीसतिनिपातो

कालका भमरवण्णसदिसा वेल्लितग्गा मम मुद्धजा अहुं ।
 ते जराय साणवाकसदिसा सच्चवादि वचनं अनञ्जाथा ॥२५२॥
 वासितो व सुरभिकरण्डको पुप्फपूरं मम उत्तमङ्गभु ।
 तं जराय ससलोमगन्धिकं सच्चवादिवचनं अनञ्जाथा ॥२५३॥
 काननं व सहितं सुरोपितं कोच्छसूचिविचितग्गसोभितं ।
 तं जराय विरळं तहिं तहिं सच्चवादिवचनं अनञ्जाथा ॥२५४॥
 सण्हगन्धकसुवण्णमण्डितं सोभते सु वेणिहि अलङ्कतं ।
 तं जराय खलति सिरं कतं सच्चवादिवचनं अनञ्जाथा ॥२५५॥
 चित्तकारमुकता व लेक्खिता सोभते सु भमुका पुरे मम ।
 ता जराय वलिहि पलम्बिता सच्चवादिवचनं अनञ्जाथा ॥२५६॥
 भस्सरा सुरुचिरा यथा मणि नेत्ताहेसुं अभिनालमायता ।
 ते जरायभिहता न सोभते सच्चवादिवचनं अनञ्जाथा ॥२५७॥
 सण्हतुङ्गसदिसी च नासिका सोभते सुअभियोब्बनं पटि ।
 सा जराय उपकूलिता विय सच्चवादिवचनं अनञ्जाथा ॥२५८॥

कङ्कणं व सुकतं सुनिद्रितं सोभते सु मम कण्णपाळियो पुरे ।
 ता जराय वलिहिपलम्बिता सच्चवादिबचनं अनञ्जथा ॥२५९॥
 पत्तलिमाकुलवण्णसदिसा सोभते सु दत्ता पुरे मम ।
 ते जराय खण्डा यवपीतका सच्चवादिबचनं अनञ्जथा ॥२६०॥
 काननस्मि वनसण्डचारिणी कोकिला व मधुरं निकूजितं ।
 तं जराय खलितं तर्हि तर्हि सच्चवादिबचनं अनञ्जथा ॥२६१॥
 सण्हकम्पुरी व सुप्पमज्जिता सोभते सु गीवा पुरे मम ।
 सा जराय भग्गा विनासिता सच्चवादिबचनं अनञ्जथा ॥२६२॥
 वट्टपलिवसदिसोपमा उभो सोभते सु बाहा पुरे मम ।
 ता जराय यथा पाटली दुब्बलिका सच्चवादिबचनं अनञ्जथा ॥२६३॥
 सण्हमुद्दिकासुवण्णमण्डिता सोभते सु हत्था पुरे मम ।
 ते जराय यथा मूलमूलिका सच्चवादिबचनं अनञ्जथा ॥२६४॥
 पीनवट्टपहितुगता उभो सोभते सु थनका पुरे मम ।
 ते रिन्दी व लम्बन्ते 'नोदका सच्चवादिबचनं अनञ्जथा ॥२६५॥
 कञ्चनस्स फलकं व सुमट्ठं सोभते सु कायो पुरे मम ।
 सो वलिहि सुखुमाहि ओततो सच्चवादिबचनं अनञ्जथा ॥२६६॥
 नागभोगसदिसोपमा उभो सोभते सु ऊरु पुरे मम ।
 ते जराय यथा वेळुनाळियो सच्चवादिबचनं अनञ्जथा ॥२६७॥
 सण्हनूपुरसुवण्णमण्डिता सोभते सु जङ्घा पुरे मम ।
 ता जराय तिलदण्डकारिव सच्चवादिबचनं अनञ्जथा ॥२६८॥
 तूलपुण्णसदिसोपमा उभो सोभते सु पादा पुरे मम ।
 ते जराय फुटिका बलीमता सच्चवादिबचनं अनञ्जथा ॥२६९॥
 एदिसो अहु अयं सम्मुस्सयो जज्जरो बहुदुक्खानमालयो ।
 सो 'पलेपपतितो जरागतो सच्चवादिबचनं अनञ्जथा ॥२७०॥

अम्बपाली

समणा ति भोति मं विपस्सि समणा ति पटिबुज्जसि ।
 समणानमेव कित्तेसि समणी नून भविस्ससि ॥२७१॥
 विपुलं अन्नञ्च पानञ्च समणानं पवेच्छसि ।
 रोहिणि दानि पुच्छामि केन ते समणा पिया ॥२७२॥

अकम्मकामा अलसा परदत्तोपजीविनो ।
 आसंसुका सादुकामा केन ते समणा पिया ॥२७३॥
 चिरस्सं वत मन्ताता समणानं परिपुच्छसि ।
 तेसं ते कित्तिथिस्सामि पञ्जासीलपरक्कमं ॥२७४॥
 कम्मकामा अनलसा कम्मसेट्ठस्स कारका ।
 रागं दोसं पजहन्ति तेन मे समणा पिया ॥२७५॥
 तीणि पापस्स मूलानि धुनन्ति सुचिकारिनो ।
 सब्बपापं पहीनेसं तेन मे समणा पिया ॥२७६॥
 कायकम्मं सुचि नेसं वचीकम्मञ्च तादिसं ।
 मनोकम्मं सुचि नेसं तेन मे समणा पिया ॥२७७॥
 विमला संखमुत्ता 'व सुद्धा सन्तरबाहिरा ।
 पुण्णा सुक्कान धम्मनं तेन मे समणा पिया ॥२७८॥
 बहुस्सुता धम्मद्वरा अरिया धम्मजीविनो ।
 अत्थं धम्मञ्च देसेन्ति तेन मे समणा पिया ॥२७९॥
 बहुस्सुता धम्मद्वरा अरिया धम्मजीविनो ।
 एकग्गचित्ता सतिमन्तो तेन मे समणा पिया ॥२८०॥
 दूरङ्गामा सतिमन्तो मन्तभाणी अनुद्धता ।
 दुक्खस्सन्तं पजानन्ति तेन मे समणा पिया ॥२८१॥
 यम्हा गामा पक्कमन्ति न विलोकेन्ति किञ्चनं ।
 अनपेक्खा 'व गच्छन्ति तेन मे समणा पिया ॥२८२॥
 न ते सं कोट्ठे ओसेन्ति न कुम्भं न कळोपियं ।
 परिनिट्ठितमेसाना तेन मे समणा पिया ॥२८३॥
 न ते हिरञ्जं गणहन्ति न सुवण्णं न रूपियं ।
 पच्चुप्पन्नेन यापेन्ति तेन मे समणा पिया ॥२८४॥
 नानाकुला पब्बज्जिता नाना जनपदेहि च ।
 अञ्जमञ्जं पियायन्ति तेन मे समणा पिया ॥२८५॥
 अत्थाय वत नो भोति कुले जाता सि रोहिणि ।
 सद्धा बुद्धे च धम्मे च सद्धे च तिब्बगारवा ॥२८६॥
 तुवं हेतं पजानासि पुञ्जक्खेतं अनुत्तरं ।
 अम्हं पि एते समणा पटिगण्हन्ति दक्खिणं ।
 पटिट्ठितो हेत्थ यञ्जो विपुलो नो भविस्सति ॥२८७॥

सचे भायसि दुक्खस्स सचे ते दुक्खमप्पियं ।
 उपेहि बुद्धं सरणं धम्मं सङ्गघञ्च तादिनं ।
 समादियाहि सीलानि तन्ते अत्थाय हेहिति ॥२८८॥
 उपेमि बुद्धं सरणं धम्मं सङ्गघञ्च तादिनं ।
 समादियामि सीलानि तं मे अत्थाय हेहिति ॥२८९॥
 ब्रह्मबन्धु पुरे आसि सो इदानीं 'मिह ब्राह्मणो ।
 तेविज्जो सोत्तियो चमिह वेदगू चमिह न्हातको ॥२९०॥

रोहिणी

लट्ठिहत्यो पुरे आसि सो दानि मिगलुदको ।
 आसाय पलिपा घोरा नासक्खि पारमेतसे ॥२९१॥
 सुमत्तं मं मञ्जमाना चापा पुत्तमतोसयि ।
 चापाय बन्धनं छेत्वा पब्बजिस्सं पुनो-महं ॥२९२॥
 मा मे कुज्झ महावीर मा मे कुज्झ महामुनि ।
 न हि कोधपरेतस्स सुद्धि अत्थि कुतो तपो ॥२९३॥
 पक्कामिस्सञ्च नालातो को' ध नालाय वच्छति ।
 बन्धन्ति इत्थिरूपेण समणे धम्मजीविनो ॥२९४॥
 एहि काळ निवत्तस्सु भुञ्जकामे यथापुरे ।
 अहञ्च ते वसीकता ये च मे सन्ति ज्ञातका ॥२९५॥
 एत्तोच्चेव चतुब्भागं यथा भाससि तं चापे ।
 तयि रत्तस्स पोसस्स-उळारं वत तं सिया ॥२९६॥
 काळ' झिगानि व तक्कारि पुप्फितं गिरिमुद्धनि ।
 फुल्लं दालिकलट्ठि व अन्तोदीपे व पाटलि ॥२९७॥
 हरिचन्दनलित्ताङ्गि कासिकुत्तमधारिणि ।
 तं मं रूपवतिं सन्ति कस्स ओहाय गच्छसि ॥२९८॥
 साकुत्तिको व सकुणि यथा बन्धितुमिच्छति ।
 आहरिमेन रूपेण न मं त्वं बाधयिस्ससि ॥२९९॥
 इमं च मे पुत्तफलं काळ उप्पादितं तया ।
 तं मं पुत्तवतिं सन्ति कस्स ओहाय गच्छसि ॥३००॥
 जहन्ति पुत्ते सप्पञ्जा ततो जाती ततो धनं ।
 पब्बजन्ति महावीरा नागो छेत्वा व बन्धनं ॥३०१॥

इदानी ते इमं पुत्तं दण्डेन छुरिकाय वा ॥
 भूमियं व निसुम्भेय्यं पुत्तसोका न गच्छसि ॥३०२॥
 सचे पुत्तं सिगालानं कुक्कुरानं पदाहिसि ।
 न मं पुत्तकते जम्मि पुनरावत्तयिस्ससि ॥३०३॥
 हन्द खो दानि भदन्ते कुहि काळ गमिस्ससि ।
 कतमं गामं निगमं नगरं राजधानियो ॥३०४॥
 अहुम्ह पुब्बे गणिनो असमणा समणमानिनो ।
 गामेन गामं विचरिम्ह नगरे राजधानियो ॥३०५॥
 एसो हि भगवा बुद्धो नदि नेरञ्जरं पति ।
 सब्बदुक्खप्पहानाय धम्मं देसेसि पाणिनं
 तस्साहं सन्तिके गच्छं सो मे सत्था भविस्सति ॥३०६॥
 वन्दनं दानि वज्जासि लोकनाथं अनुत्तरं ।
 पदक्खिणञ्च कत्वान आदिसेय्यासि दक्खिणं ॥३०७॥
 एतं खो लब्भमम्हेहि यथा भाससि तं चापे ।
 वन्दनं दानि ते वज्जं लोकनाथं अनुत्तरं ।
 पदक्खिणञ्च कत्वान आदिसिस्सामि दक्खिणं ॥३०८॥
 ततो च काळो पक्कामि नदि नेरञ्जरं पति ।
 सो अहसासि सम्बुद्धं देसेन्तं अमतं पदं ॥३०९॥
 दुक्खं दुक्खसमुप्पादं दुक्खस्स अतिक्कमं ।
 अरियट्ठङ्गिकं मगं दुक्खूपसमगामिनं ॥३१०॥
 तस्स पादानि वन्दित्वा कत्वान नं पदक्खिणं ।
 चापाय आदिसित्वान पब्बजि अनगारियं ।
 तिस्सो विज्जा अनुप्पत्ता कतं बुद्धस्स सासनं ॥३११॥

चापा

पेतानि भोति पुत्तानि खादमाना तुवं पुरे ।
 तुवं दिवा च रत्तो च अतीव परितप्पसि ॥३१२॥
 साज्ज सब्बानि खादित्वा सत्त पुत्तानि ब्राह्मणि ।
 वासेट्ठि केन वण्णेन न वाळ्हं परितप्पसि ॥३१३॥
 बहूनि मे पुत्तसत्तानि आतिसङ्घसत्तानि च ।
 खादित्तानि अतीतसे मम तुय्हञ्च ब्राह्मण ॥३१४॥

साहं निस्सरणं ज्ञत्वा जातिया मरणस्स च ।
 न सोचामि न रोदामि न चाहं परितप्पामि ॥३१५॥
 अब्भुतं वत वासेट्ठि वाचं भाससि एदिसं ।
 कस्स त्वं धम्ममञ्जाय गिरं भाससि एदिस ॥३१६॥
 एस ब्राह्मण सम्बुद्धो नगरं मिथिलं पति ।
 सब्बदुक्खप्पहानाय धम्मं देसेसि पाणिनं ॥३१७॥
 तस्साहं ब्राह्मण अरहतो धम्मं सुत्वा निरुपधि ।
 तत्थ विञ्जातसद्धम्मा पुत्तसोके व्यपानुदिं ॥३१८॥
 सो अहं पि गमिस्सामि नगरं मिथिलं पति ।
 अप्पेव मं सो भगवा सब्बदुक्खापमोचये ॥३१९॥
 अद्दस ब्राह्मणो बुद्धं विप्पमुत्तं निरुपधि ।
 तस्स धम्ममदेसेसि मुनि दुक्खस्स पारगू ॥३२०॥
 दुक्खं दुक्खसमुप्पादं दुक्खस्स च अतिक्कमं ।
 अरियदुङ्गसि मग्गं दुक्खूपसमगामिनं ॥३२१॥
 तत्थ विञ्जातसद्धम्मा पब्बज्जं समरोचयि ।
 सुजातो तीहि रत्तीहि तिस्सो विज्जा अफस्सयि ॥३२२॥
 एहि सारथि गच्छाहि रथं नीयादयाहि' मं ।
 आरोग्यं ब्राह्मणि वज्ज पब्बजितो दानि ब्राह्मणो ।
 सुजातो तीहि रत्तीहि तिस्सो विज्जा अफस्सयि ॥३२३॥
 ततो च रथमादाय सहस्सं चापि सारथि ।
 आरोग्यं ब्राह्मणि' अवोच पब्बजितो दानि ब्राह्मणो ।
 सुजातो तीहि रत्तीहि तिस्सो विज्जा अपस्सयि ॥३२४॥
 एतं चहं अस्सरथं सहस्सं चापि सारथि ।
 तेविज्जं ब्राह्मणं सुत्वा पण्णपत्तं ददामि ते ॥३२५॥
 तुम्हेव होतु अस्सरथो सहस्सं चापि ब्राह्मणि ।
 अहं पि पब्बजिस्सामि वरपञ्जस्स सन्तिके ॥३२६॥
 हत्थिगवस्सं मणिकुण्डलञ्च फितञ्चिमं गेहविगतं पहाय ।
 पिता पब्बजितो तुय्हं भुञ्ज भोगानि सुन्दरि तुवं दायादिका कुले ॥३२७॥
 हत्थिगवस्सं मणिकुण्डलञ्च रम्मञ्चिमं गेहविगतं पहाय ।
 पिता पब्बजितो मय्हं पुत्तसोकेन अद्दितो ।
 अहं पि पब्बजिस्सामि भातुसोकेन अद्दिता ॥३२८॥

सो ते इज्झतु संकप्पो यं त्वं पत्थेसि सुन्दरि ।
 उत्तिट्ठपिण्डो उञ्छो च पंसुकूलञ्च चीवरं ।
 एतानि अभिसंभोन्ती परलोके अनासवा ॥३२९॥
 सिक्खमानाय मे अय्ये दिब्बचक्खुं विसोधितं ।
 पुब्बेनिवासं जानामि यत्थ मे वसितं पुरे ॥३३०॥
 तुवं निस्साय कल्याणि थेरीसङ्घस्स सोभणे ।
 तिस्सो विज्जा अनुप्पत्ता कतं बुद्धस्स सासनं ॥३३१॥
 अनुजानाहि मे अय्ये इच्छे सावत्थि गन्तवे ।
 सीहनादं नदिस्सामि बुद्धसेट्ठस्स सन्तिके ॥३३२॥
 पस्स सुन्दरि सत्थारं हेमवण्णं हरित्तचं ।
 अदन्तानं दमेतारं सम्बुद्धमकुतोभयं ॥३३३॥
 पस्स सुन्दरि आयन्तिं विप्पमुत्तं निरुपधिं ।
 वीतरागं विसंयुत्तं कतकिच्चमनासवं ॥३३४॥
 बाराणसीतो निक्खम्म तव सन्तिकमागता ।
 साविका ते महावीरा पादे वन्दति सुन्दरी ॥३३५॥
 तुवं बुद्धो तुवं सत्था तुय्हं धीरम्हि ब्राह्मण ।
 ओरसा मुखतो जाता कतकिच्चा अनासवा ॥३३६॥
 तस्साते स्वागतं भद्दे ततो ते अदुरागतं ।
 एवं हि दन्ता आयन्ति सत्थु पादानि वन्दिका ।
 वीतरागा विसंयत्ता कतकिच्चा अनासवा ॥३३७॥

सुन्दरी

दहराहं सुद्धवसना यं पुरे धम्ममसुणिं ।
 तस्सा मे अप्पमत्ताय सच्चाभिसमयो अहु ॥३३८॥
 ततो हं सब्बकामेसु भूसं अरतिमज्झगं ।
 सक्कायस्मिं भयं दिस्वा नेक्खम्मं येव पिहये ॥३३९॥
 हित्वानहं जातिगणं दासकम्मकारानि च ।
 गामक्खेत्तानि फीतानि रमणीये पमोदिते ।
 पहायहं पब्बजिता सापतेयमनप्पकं ॥३४०॥
 एवं सद्धाय निक्खम्म सद्धम्मे सुप्पवेदिते ।
 न मे तं अस्स पतिरूपं आकिञ्चञ्जं हि पत्थये ।
 या जातरूपरजतं ठपेत्वा पुनरागमे ॥३४१॥

रजतं जातरूपं वा न बोधाय न सन्तये ।
 न एत समणसारूपं न एतं अरियद्धनं ॥३४२॥
 लोभनं मदनं चेतं मोहनं रजवड्ढनं ।
 सासङ्कं बहुआयासं नत्थि चेत्य धुवं ठिति ॥३४३॥
 एत्थ रत्ता पमत्ता च संकिलिट्टमना नरा ।
 अञ्जमञ्जेन व्यासद्धा पुथुकुब्बन्ति मेधगं ॥३४४॥
 वधो बन्धो परिक्लेसो जानि सोकपरिह्वो ।
 कामेसु अधिपन्नानं दिस्सते व्यसनं बहुं ॥३४५॥
 तं मञ्जाती अमित्ता व किं मं कामेसु युञ्जथ ।
 जानाथ मं पब्बजितं कामेसु भयदस्सिनि ॥३४६॥
 न हिरञ्जसुवण्णेन परिक्लीयन्ति आसवा ।
 अमित्ता वधका कामा सपत्ता सल्लबन्धना ॥३४७॥
 तं मञ्जाती अमित्ता व किं मं कामेसु युञ्जथ ।
 जानाथ मं पब्बजितं मुण्डं सङ्घाटिपारुतं ॥३४८॥
 उत्तिट्ठ पिण्डो उञ्छो च पंसुकूलञ्च चीवरं ।
 एतं खो मम सारूपं अनगारूपनिस्सयो ॥३४९॥
 वन्ता महेसिना कामा ये दिब्बा ये च मानुसा ।
 खेमट्टाने विमुत्ता ते पत्ता ते अचलं सुखं ॥३५०॥
 माहं कामेहि सर्गच्छिं येसु ताणं न विज्जति ।
 अमित्ता वधका कामा अग्गिक्खन्धूपमा दुखा ॥३५१॥
 परिपन्थो एसो सभयो सविघातो सकण्टको ।
 गेधो सुविसमो चेतो महन्तो मोहनामुखो ॥३५२॥
 उपसग्गो भीमरूपो च कामा सप्पसिरूपमा ।
 ये बाला अभिनन्दन्ति अन्धभूता पुथुज्जना ॥३५३॥
 कामपङ्कसत्ता हि जना बहू लोके अविद्दसु ।
 परियन्तं नाभिजानन्ति जातिया मरणस्स च ॥३५४॥
 दुग्गतिगमनं मग्गं मनुस्सा कामहेतुकं ।
 बहुं वे पटिपज्जन्ति अत्तनो रोगमावहं ॥३५५॥
 एवं अमित्तजनना तापना संकिलेसिका ।
 लोकामिसा बन्धनीया कामा मरणबन्धना ॥३५६॥
 उम्मादना उल्लपना कामा चित्तपमाथिनो ।
 सत्तानं संकिलेसाय खिप्पं मारेन ओड्डितं ॥३५७॥

अनन्तादीनवा कामा बहुदुक्खा महाविसा ।
 अप्पसादा रणकरा सुक्कपक्खविसोसना ॥३५८॥
 साहं एतादिसं कत्वा व्यसनं कामहेतुकं ।
 न तं पच्चागमिस्सामि निब्बानाभिरता सदा ॥३५९॥
 रणं करित्वा कामानं सीतिभावाभिकङ्खिनी ।
 अप्पमत्ता विहिस्सामि तेसं संयोजनक्खये ॥३६०॥
 असोकं विरजं खेमं अरियट्ठङ्गिकं उज्जुं ।
 तं मगं अनुगच्छामि येन तिण्णा महेसिनो ॥३६१॥
 इमं पस्सथ घम्मट्ठं सुभं कम्मरधीतरं ।
 अनेजं उपसम्पज्ज रुक्खमूलमिह ज्ञायति ॥३६२॥
 अज्जट्ठमी पब्बजिता सद्धा सद्धम्मसोभणा ।
 विनीता उप्पलवण्णाय तेविज्जा मच्चुहायिनी ॥३६३॥
 सायं भुजिस्सा अनणा भिक्खुनी भावितिन्द्रिया ।
 सब्बोयोगविसंयुत्ता कतकिच्चा अनासवा ॥३६४॥
 तं सक्को देवसङ्घेन उपसंगम्म इद्धिया ।
 नमस्सति भूतपति सुभं कम्मरधीतरन्ति ॥३६५॥

सुभा कम्मरधीत

वीसतिनिपातो समत्ते

१४-तिसनिपातो

जीवकम्बवनं रम्मं गच्छन्ति भिक्खुनि सुभं ।
 धुत्तको संनिवारेसि तमेनं अब्रवी सुभा ॥३६६॥
 किते अपराधितं मया यं मं ओवरियान तिट्ठसि ।
 न हि पब्बजिताय आसवो पुरिसो संफुसनाय कप्पति ॥३६७॥
 गरुके मम सत्थु सासने या सिक्खा सुगतेन देसिता ।
 परिमुद्धपदं अनङ्गणं किं मं ओवरियान तिट्ठसि ॥३६८॥
 आबिलचित्तो अनाविलं सरजो वीतरजो अनङ्गणं ।
 सब्बत्थ विमुत्तमानसं किं मं ओवरियान तिट्ठसि ॥३६९॥

दहरा च अपापिका चसि किं ते पब्बज्जा करिस्सति ।
 निक्खिप कासायचीवरं एहि रमामसे पुप्फिते वने ॥३७०॥
 मधुरञ्च पवन्ति सब्बसो कुसुमरजेन समुद्धिता दुमा ।
 पठमवसन्तो सुखो उतु एहि रमामसे पुप्फिते वने ॥३७१॥
 कुसुमित सिखरा च पादपा अभिगञ्जन्ति व मालुतेरिता ।
 का तुय्हं रति भविस्सति यदि एका वनमोगाहिस्ससि ॥३७२॥
 वाळमिगसङ्घसेवितं कुञ्जरमत्तकरेणुलोळितं ।
 असहायिका गन्तुमिच्छसि रहितं भीसनकं महावनं ॥३७३॥
 तपनीयकता व धीतिका विचरसि चित्तरथे व अच्छरा ।
 कासिकमुखुमेहि वग्गुहि सोमसि वसनेहि नूपमे ॥३७४॥
 अहं तव वसानुगो सियं यदि विहरेमसि कान्तरे ।
 न हि मत्थि तया पियतरो पाणो किन्नरिमन्दलोचने ॥३७५॥
 यदि मे वचनं करिस्ससि सुखिता एहि अगारमावस ।
 पासादनिवातवासिनी परिकम्मन्ते करोन्तु नारियो ॥३७६॥
 कासिकमुखुमानि धारय अभिरोपेहि च मालवणकं ।
 कञ्चनमणिमुत्तकं बहुं विविधं आभरणं करोमि ते ॥३७७॥
 सुधोतरजपच्छदं सुभं गोणकतूलिकसन्ततं नवं ।
 अभिरूह सयनं महारहं चन्दनमण्डितं सारगन्धिकं ॥३७८॥
 उप्पलं च उदकतो उब्भतं यथा यं अमनुस्ससेवितं ।
 एवं तुवं ब्रह्मचारिनी सकेसु अङ्गोसु जरं गमिस्ससि ॥३७९॥
 कित्ते इध सारसम्मत्तं कुणयपूरमिह सुसानवड्ढने ।
 भेदनधम्मे कळेवरे यं दिस्वा विमनो उदिक्वसि ॥३८०॥
 अक्खीनि च तुरिया-रिव किन्नरिया-रिव पब्बतन्तरे ।
 तव मे नयनानि दक्खिय भिय्यो कामरति पवड्ढति ॥३८१॥
 उप्पलसिखरोपमानिते विमले हाटकसन्निभे मुखे ।
 तव मे नयनानि दक्खिय भिय्यो कामगुणो पवड्ढति ॥३८२॥
 अपि दूरगता सरेम्हसे आयतपम्हे विसुद्धदस्सने ।
 न हि मत्थि तया पियतरा नयना किन्नरिमन्दलोचने ॥३८३॥
 अपथेन पयातु मिच्छसि चन्दं कीळनकं गवेससि ।
 मेरं लङ्घेत्तुमिच्छसि यो त्वं बुद्धसुतं मग्गयसि ॥३८४॥
 नत्थिहि लोके सदेवके रागो यत्थपि दानि मे सिया ।
 न पि मं जानामि कीरिसो अथ मग्गेन हतो समूलको ॥३८५॥

इङ्गहाळखुया व उज्झितो विसपुत्तो-रिव-अगगतो कतो ।
 न पि नं पस्सामि कीरिसो अथ मग्गेन हतो समूलको ॥३८६॥
 यस्सा सिया अपच्चवेक्खितं सत्था वा अनुसासितो सिया ।
 त्वं तादिसिकं पलोभय जानन्ति सो इमं विहञ्जासि ॥३८७॥
 मय्हं हि अक्कुट्ठवन्दिते सुखदुक्खे च सति उपट्ठिता ।
 सङ्खतमसुभन्ति जानिय सब्बथेव मनो न लिम्पति ॥३८८॥
 साहं सुगतस्स साविका मग्गट्ठङ्गिकयानयायिनी ।
 उद्धटसल्ला अनासवा सुञ्जागारगता रमामहं ॥३८९॥
 दिट्ठा हि मया सुचित्तिता सोम्भा दारुकचिल्लका नवा ।
 तन्तिहि च कीलकेहि च विनिवद्धा विविधं पनच्चिता ॥३९०॥
 तम्हुद्धटे तन्तिखीलके विसट्ठे विकले परिपक्कते ।
 अविन्दे खण्डसो कते किम्हि तत्थ मनं निवेसये ॥३९१॥
 तथूपमं देहकानि मंतेहि धम्मेहि विना न वत्तन्ति ।
 धम्मेहि विना न वत्तन्ति किम्हि तत्थ मनं निवेसये ॥३९२॥
 यथा हरितालेन मक्खितं अद्दस चित्तिकं भित्तिया कतं ।
 तम्हि ते विपरीतदस्सनं पञ्जा मानुसिका निरत्थिका ॥३९३॥
 मायं विय अगगतो कतं सुपिनत्ते व सुवण्णपादपं ।
 उपधावसि अन्ध रित्तकं जनमज्झे-रिव रुपरूपकं ॥३९४॥
 वट्ठनि-रिव कोटरोहिता मज्झेबुब्बुलका सअस्सुका ।
 पीळिकोळिका चेत्थ जायति विविधा चक्खुविधा' व पिण्डिता ॥३९५॥
 उप्पाटिय चारुदस्सना न च पज्जित्थ असङ्गमानसा ।
 हन्द ते चक्खुं हरस्सु तं तस्स नरस्स अदासि तावदे ॥३९६॥
 तस्स च विरमासि तावदे रागो तत्थ खमापयि च मं ।
 सोत्थि सिया ब्रह्मचारिणि न पुनो एदिसकं ब्रविस्सति ॥३९७॥
 आहनिय एदिसं जनं अग्गिं पज्जलितं व लिङ्गिय ।
 गण्हस्सं आसीविसं विय अपि नु सोत्थि सिया खमेहि नो ॥३९८॥
 मुत्ता च ततो सा भिक्खुनी अगमि बुद्धवरस्स सन्तिकं ।
 पस्सिय वरपञ्जलक्खणं चक्खु आसि यथा पुराणकन्ति ॥३९९॥

सुभाजीवकम्भवणिका

तिसनिपातो समत्तो

१५—चत्तालीनिपातो

नगरमिह कुसुमनामे पाटलिपुत्तमिह पथविया ।
 मण्डे सक्यकुलकुलीनायो द्वे भिक्षुनियो गुणवतियो ॥४००॥
 इसिदासी तत्थ एका दुतिया बोधीति सीलमसम्पन्ना च ।
 ज्ञानज्झायनरतायो बहुस्सुतायो धुतकिलेसायो ॥४०१॥
 ता पिण्डाय चरित्वा भत्तत्थं करिय धोतपत्तायो ।
 रहितमिह सुखनिसिन्ना इमा गिरा अब्भुदीरेसुं ॥४०२॥
 पासादिकासि अय्ये इसिदासि वयो पि ते अपरिहीनो ।
 किं दिस्वान वलिकं अथासि नेक्खम्ममनुयुत्ता ॥४०३॥
 एवमनुयुज्जमाना सा रहिते धम्मदेसनाकुसला ।
 इसिदासी इदं वचनमब्रवि सुण बोधि यथामिह पब्बजिता ॥४०४॥
 उज्जेनिया पुरवरे मय्हं पिता सालसंवुतो सेट्ठि ।
 तस्स'मिह एका धीता पिया मनापा दयिता च ॥४०५॥
 अथ मे साकेततो वरको आगच्छि उत्तमकुलीनो ।
 सेट्ठि बहुतरतनो तस्स मं सुण्हं अदासि तातो ॥४०६॥
 सस्सुया सस्सुरस्स च सायं पातं पणाममुपगम्म ।
 ॥संरसा करोमि पादे वन्दामि यथामिह अनुसिट्ठा ॥४०७॥
 या मय्हं सामिकस्स भगिनियो भातुनो परिजनो ।
 तं एकवारकं पि दिस्वा उब्बिग्गा आसनं देमि ॥४०८॥
 अन्नेन पानेन च खज्जेन च यं च तत्थ सन्निहितं ।
 छादेमि उपनयामि च देमि च यं यस्स पतिरूपं ॥४०९॥
 कालेन उट्ठित्वा घरं समुपगमिं ।
 उम्मारधोतहत्थपादा पञ्जलिका सामिकमुपेमि ॥४१०॥
 कोच्छं पसादं अञ्जनञ्च आदासकञ्च गण्हित्वा ।
 परिकम्मकारिका विय सयमेवपतिं विभूसेमि ॥४११॥
 सयमेव ओदनं साधयामि सयमेव भाजनं धोविं ।
 माता व एकपुत्तकं तथा भत्तारं परिचरामि ॥४१२॥
 एवं मं भत्तिकतं अनुत्तरं कारिकं तं निहतमानं ।
 उट्ठाधिकं अनलसं सीलवतिं दुस्सते भत्ता ॥४१३॥
 सो मातरञ्च पितरञ्च भणतिआपुच्छाहं गमिस्सामि ।
 इसिदासिया न सह वच्छं एकागारे' हं सहवत्थुं ॥४१४॥

मा एवं पुत्त अवच इसिदासी पण्डिता परिव्यत्ता ।
 उट्ठायिका अनलसा किं तुय्हं न रोचते पुत्त ॥४१५॥
 न च मे हिसति किञ्चि न चाहं इसिदासिया सह वच्छं ।
 देस्सा 'व मे अलं मे आपुच्छाहं गमिस्सामि ॥४१६॥
 तस्स वचनं सुणित्वा सस्सु सस्सुरो च मे अपुच्छिस्सु ।
 किस्स तया अपरद्धं भण विस्सत्था यथा भूतं ॥४१७॥
 न पि हं अपरज्झं किञ्चि न पि हिसेव न गणामि ।
 दुब्बचनं किं सक्का कातुये यं मं विदेस्सते भत्ता ॥४१८॥
 ते मं पितु घरं पटि नयिस्सु विमना दुखेन ।
 अविभूता पुत्तमनुरक्खमाना जिनाम्हसे रूपिनिं लच्छि ॥४१९॥
 अथ मं अदासि तातो अड्ढस्स घरम्हि दुतियकुलिकस्स ।
 ततो उपड्ढसङ्केन येन मं विन्दथ सेट्ठि ॥४२०॥
 तस्स पि घरम्हि मासं अवासि अन्पा सो पि मं पटिच्छति ।
 दासी व उपट्ठहन्ति अदूसिकं सीलसम्पन्नं ॥४२१॥
 भिक्खाय च विचरन्तं दमकं दन्तं मे पिता भणति ।
 सो हि सि मे जामाता निक्खिप पोन्तिञ्च घटिकञ्च ॥४२२॥
 सोपि वसित्वा पक्खं अथ तातं भणति देहि मे ।
 पोन्ति घटिकञ्च मल्लकञ्च पुन पि भिक्खं चरिस्सामि ॥४२३॥
 अथ नं भणति तातो अम्मा सब्बो च मे ज्ञातिगणवग्गो ।
 किं तेन न करति इध भण खिप्पं यन्तो करिहिति ॥४२४॥
 एवं भणितो भणति यदि मे अत्ता सक्कोति अलं मय्हं ।
 इसि दासिया न वच्छं एकघरे 'हं सहवत्थुं ॥४२५॥
 विसज्जितो गतो सो अहं पि एकाकिनी विचिन्तेमि ।
 आपुच्छित्तूना गच्छं मरितुये पब्बजिस्सं वा ॥४२६॥
 अथ अय्या जिनदत्ता आगच्छि गोचराय चरमाना ।
 तातकुलं विनयधारी बहुस्सुता सीलसम्पन्ना ॥४२७॥
 तं दिस्वान अम्हाकं उट्ठायासनं तस्सा पञ्जापयिं ।
 निसिन्नाय च पादे वन्दित्वा भोजनमदासिं ॥४२८॥
 अन्नेन च पानेन च खज्जेन च यञ्च तत्थ सन्निहितं ।
 सन्तप्पयित्वा अवचं अय्ये इच्छामि पब्बजितुं ॥४२९॥
 अथ मम भणति तातो इधेव पुत्तक चराहि तं धम्मं ।
 अन्नेन च पानेन च तप्पय समणे द्विजाति च ॥४३०॥

अथा 'हं भणामि तातं रोदन्ति अञ्जलिं पणामेत्वा ।
 पापं हि मया पकतं कम्मं तं निज्जरेस्सामि ॥४३१॥
 अथ मं भणति तातो पापुण बोधिञ्च अगगधम्मञ्च ।
 निब्बानञ्च लभस्सु यं सच्छिक्खिं द्विपदसेट्ठो ॥४३२॥
 मातापितु अभिवादयित्वा सब्बञ्च जातिगणवग्गं ।
 सत्ताहं पब्बजिता तिस्सो विज्जा अफस्सयिं ॥४३३॥
 जानामि अत्तनो सत्त जातियो यस्सा यं फलं विपाको ।
 तं तव आचिक्खिस्सं तं एकमना निसामेहि ॥४३४॥
 नगरमिह एरककच्छे सुवण्णकारो अहं बहुतधनो ।
 योब्बनमदेन मत्तो सो परदारं असेवि 'हं ॥४३५॥
 सो 'हं ततो चवित्वा निरयमिह अपच्चिंसं चिरं ।
 पक्को ततो च उट्ठित्वा मक्कटिया कुच्छिं ओक्कमि ॥४३६॥
 सत्ताहं जातकम्मं महाकपि यूथपो निल्लच्छेसि ।
 तस्सेतं कम्मफलं यथा पि गत्त्वान परदारं ॥४३७॥
 सो 'हं ततो चवित्वा कालं करित्वा सिन्धवारञ्जे ।
 काणाय च खञ्जाय च एळकिया कुच्छिमोक्कमि ॥४३८॥
 द्वादसवस्सानि अहं निल्लच्छितो दारके परिवहित्वा ।
 किमिना वट्ठो अकल्लो यथा पि गत्त्वान परदारं ॥४३९॥
 सो 'हं ततो चवित्वा गोवणिजकस्स गाविया जातो ।
 वच्छो लाखातम्बो निल्लच्छितो द्वादसे मासे ॥४४०॥
 ते पुन नङ्गलमहं सकटं च धारयामि ।
 अन्धो वट्ठो अकल्लो यथा पि गत्त्वान परदारं ॥४४१॥
 सो 'हं ततो चवित्वा वीतिया दासिया घरे जातो ।
 नेव महिळा न पुरिसो यथा पि गत्त्वान परदारं ॥४४२॥
 तिसवस्समिह मतो साकटिककुलमिह दारिका जाता ।
 कपणमिह अप्पभोगे धनिकपुरिस पातवहुलमिह ॥४४३॥
 तं मं ततो सत्थवाहो उस्सनाय विपुलाय वड्ढिया ।
 ओकड्ढति विलपन्ति अच्छिन्दित्वा कुलघरस्स ॥४४४॥
 अथा सोळसमे वस्से दिस्वान मं पत्तयोब्बनं ।
 कञ्जं ओरुद्ध तस्स पुत्तो गिरिदासो नाम नामेन ॥४४५॥
 तस्स पि अञ्जा भरिया सीलवती गुणवती यसवती च ।
 अनुरत्ता भत्तारं तस्साहं विदे सनमकासिं ॥४४६॥

तस्सेतं कम्मफलं यं मं अपकरित्तुं गच्छन्ति ।
दासी व उपट्ठहन्ति तस्स पि अन्तो कतो मया ति ॥४४७॥

इसिदासी

चत्तालोसनिपातो समत्तो

१६-सुमेधा महानिपातो

मन्तावतिया नगरे रञ्जो कोञ्चस्स अगमहेसिया ।
धीता आसि सुमेधा पासादिका सासनकरेहि ॥४४८॥
सीलवती चित्तकथिका बहुस्सुता बुद्धसासने विनीता ।
माता पितरो उपगम्म भणति उभयो निसामेथ ॥४४९॥
निब्बानाभिरता अहं असस्सतं भवगतं यदि पि दिब्बं ।
किमङ्गपन तुच्छा कामा अप्पस्सादा बहुविधाता ॥४५०॥
कामा कटुका आसीविसूपमा येसु मुच्छिता बाला ।
ते दीघरत्तं निरये समप्पिता हञ्जन्ते दुक्खिता ॥४५१॥
सोचन्ति पापकम्मा विनिपाते पापबुद्धिनो
सदा कायेन वाचाय च मनसा च असंबुता बाला ॥४५२॥
बाला ते दुप्पञ्जा अचेतना दुक्खसमुदयोद्धा ।
देसेन्ते अजानन्ता न बुज्जारे अरियसच्चानि ॥४५३॥
सच्चानि अम्म बुद्धवरदेसितानि ते बहुतरा अजानन्ता ।
ये अभिनन्दन्ति भवगतं पिहन्ति देवेसु उपपत्ति ॥४५४॥
देवेसु पि उपपत्ति असस्सता भवगते अनिच्चम्हि ।
न च सन्तसन्ति बाला पुनप्पुनं जायितव्वस्सा ॥४५५॥
चत्तारो विनिपाता द्वे च गतियो कथञ्चि लब्भन्ति ।
न च विनिपातगतानं पब्बज्जा अत्थि निरयेसु ॥४५६॥
अनुजानाथ मं उभयो पब्बजितुं दसबलस्स पावचने ।
अप्पोसुक्का घटिस्सं जातिमरणप्पहानाय ॥४५७॥
किं भवगतेन अभिनन्दितेन कायकलिना असारेन ।
भवतण्हाय निरोधा अनुजानाथ पब्बजिस्सामि ॥४५८॥

बुद्धानं उप्पादो विवज्जितो अक्खणो खणो लद्धो ।
 सीलानि ब्रह्मचरियं यावजीवं न दूसेय्यं ॥४५९॥
 एवं भणति सुमेधा मातापितरो न ताव आहारं ।
 आहरिय गहट्ठा मरणवसं गता 'व हेस्सामि ॥४६०॥
 माता दुक्खिता रोदति पिता च अस्सा सब्बसो समभिसातो ।
 घटेन्ति सञ्जापेतुं पासादतले छमा पतितं ॥४६१॥
 उट्ठेहि पुत्तक किं सोचितेन दिन्ना सि वारणवतिम्हि ।
 राजा अनिकरत्तो अभिरूपो तस्स त्वं दिन्ना ॥४६२॥
 अग्गमहेसी भविस्ससि अनिकरत्तस्स राजिनो भरिया ।
 सीलानि ब्रह्मचरियं पब्बज्जा दुक्करा पुत्तक ॥४६३॥
 रज्जे आणा धनमिस्सरियं भोगा सुखा दहरिका पि ।
 भुञ्जाहि कामभोगे वारेय्यं होतु ते पुत्त ॥४६४॥
 अथ ने भणति सुमेधा मा एदिसकानि भवगतं असारं ।
 पब्बज्जा वा होहिति मरणं वा तेन चेव वारेय्यं ॥४६५॥
 किमिवपूतिकायमसुचि सवनन्धं भयानकं ।
 कुणपं अभिसंविसेय्यं गत्तं सकिपग्घरितं असुचिपुण्णं ॥४६६॥
 किमिव ताहं जानन्ती विकूलकं मंससोणितपलितं ।
 किमिकुलालयं सकुणभत्तं कळेवरं किस्स दिव्यतीति ॥४६७॥
 निम्बुय्हति सुसानं अचिरं कायो अपेत विञ्जणो ।
 चुट्ठो कलिङ्गरं विय जिगुच्छमानेहि जातीहि ॥४६८॥
 छड्ढून नं सुसाने परभत्तं न्हायन्ति जिगुच्छन्ता ।
 नियका मातापितरो किं पन साधारणा जनता ॥४६९॥
 अज्झोसिता असारे कळेवरे अट्ठिन्हास्संघाते ।
 खेळस्सुमुच्छास्सवपरिपुण्णे पूतिकायम्हि ॥४७०॥
 यो मं विनिम्भुजित्वा अब्भन्तरमस्स बाहिरं कयिरा ।
 गन्धस्स असहमाना सका पि माता जिगुच्छेय्य ॥४७१॥
 खन्धघात्वायतनं सङ्खतं जातिमूलकं ।
 दुक्खं योनिस्सो अरुचिं भणन्ति वारेय्यं किस्स इच्छेय्यं ॥४७२॥
 दिवसे दिवसे ती सत्तिसतानि नवनवा परेय्युं कायम्हि ।
 वस्ससत्तं पि च घातो सेय्यो दुक्खस्स चेव खयो ॥४७३॥
 अज्झुपगच्छे गातं यो विञ्जन् एव सत्थुनो वचनं ।
 दीघो तेसं संसारो पुनप्पुनं हज्जमानानं ॥४७४॥

देवेसु मनुस्सेसु च तिरच्छानयोनिया असुरकाये ।
 पेतेशु च निरयेसु च अपरिमिता दीयन्ते घाता ॥४७५॥
 निरयेसु बहू विनिपातगतस्स किलिस्समानस्स ।
 दैवेसु पि अत्ताणं निब्बानसुखा परं नत्थि ॥४७६॥
 पत्ता ते निब्बानं ये युत्ता दसबलस्स पावचन्ने ।
 अप्पोस्सुक्का घटेन्ति जातिमरणप्पहानाय ॥४७७॥
 अज्जेव तात अभिनिक्खमिस्सं भोगेहि किं असारेहि ।
 निब्बिण्णा मे कामा वन्तसमा तालावत्थुकता ॥४७८॥
 सा चेवं भणति पितरं अनिकरत्तो च यस्स दिन्ना ।
 उपयासि मितरुणवुतो वारेय्यं उपट्ठिते काले ॥४७९॥
 अथ असितनिचितमुदुके केसे खग्गेन छिन्दिय ।
 सुमेधा पासादं पिघत्वा पठमज्झानं समापज्जि ॥४८०॥
 सा च तर्हि समापन्ना अनिकरत्तो च आगतो नगरं ।
 पासादे 'व सुमेधा अनिच्चसज्जा सु भावेति ॥४८१॥
 सा च मनसिकरोति अनिकरत्तो च आरुहि तुरितं ।
 मणिकनकभूसितङ्गो कतज्जलि याचति सुमेधं ॥४८२॥
 रज्जे आणा धनमिस्सरियं भोगा सुखा दहरिका पि ।
 भुज्जाहि कामभोगे कामसुखा सुदुल्लभा लोके ॥४८३॥
 निसंठुत्ते रज्जं भोगे भुज्जस्सु देहि दानानि ।
 मा दुम्मना अहोसि मातापितरो ते दुक्खिता ॥४८४॥
 तन्तं भणति सुमेधा कामेहि अनत्तिका विगतमोहा ।
 मा कामे अभिनन्दि कामे स्वादीनवं पस्स ॥४८५॥
 चातुदीपो राजा मन्धाता आसि कामभोगिनं अग्गो ।
 अतित्तो कालङ्कतो न चस्स परिपूरिता इच्छा ॥४८६॥
 सत्त रतनानि वस्सेय्य उट्ठिमा दसदिसा समन्तेन ।
 न चत्थि तित्ति कामानं अतित्ता 'व मरन्ति नरा ॥४८७॥
 असिसूलूपमा कामा कामा सप्पसिरोपमा ।
 उक्कोपमा अनुदहन्ति अट्ठिकङ्कालसन्निभा ॥४८८॥
 अनिच्चा अद्धुवा कामा बहुदुक्खा महाविसा ।
 अयोगुळो व सन्तत्तो अधमूला दुक्खप्फला ॥४८९॥
 रुक्खप्फलूपमा कामा मंसपेसूपमा दुखा ।
 सुपिनोपमा वज्जनिया कामा याचितकूपमा ॥४९०॥

सत्तिसूलूपमा कामा रोगो गण्डो अघं निघं ।
 अङ्गारकासु सदिसा अघमूलं भयं वधो ॥४९१॥
 एवं बहुदुक्खा कामा अक्खाता अन्तरायिका ।
 गच्छथ न मे भवगते विस्सासो अत्थि अत्तनो ॥४९२॥
 किं मम परो करिस्सति अत्तनो सीसम्हि ड्य्हमानम्हि ।
 अनुबन्धे जरामरणे तस्स घाताय घटितब्बं ॥४९३॥
 द्वारं अपाणुणित्वान 'यं मातापितरो अनिकरत्तञ्च ।
 दिस्वान छमं निसिन्ने रोदन्ते इदमवोच ॥४९४॥
 दीघो बालानं संसारो पुनप्पुनं च रोदतं ।
 अनमतग्गे पितु मरणे भातु बन्धे अत्तनो च बन्धे ॥४९५॥
 अस्सु थञ्जं रुधिरं संसारं अनमतग्गतो सरथ ।
 सत्तानं संसरितं सराहि अट्ठीनञ्च सन्निचयं ॥४९६॥
 सर चतुरो 'दधी उपनीते अस्सुथञ्जरुधिरम्हि ।
 सर एककप्पमट्ठीनं सञ्चयं विपुलेन समं ॥४९७॥
 अनमतग्गे संसरतो महिं जम्बुदीपमुपनीतं ।
 कोलट्टिमत्तगुलिका मातापितु स्वेव नप्पहोन्ति ॥४९८॥
 सर तिणकट्ठं साखापलासं उपनीतं अनमतग्गतो ।
 पितुसु चतुरङ्गगुलिका घटिका पितु पितु स्वेव न प्पहोन्ति ॥४९९॥
 सर काणकच्छपं पुब्बे समुद्दे अपरतो च युगच्छिद्दं ।
 सिरं तस्स च पटिमुक्कं मनुस्सलाभम्हि ओपम्मं ॥५००॥
 सर रूपं फेनपिण्डोपमस्स कायकलिनो असारस्स ।
 खन्धे पस्स अनिच्चे सराहि निरये बहुविघाते ॥५०१॥
 सर कटासि वड्ढेन्ते पुनप्पुनं तासु तासु जातीसु ।
 सर कुम्भिलभयानि च सराहि चत्तारि सच्चानि ॥५०२॥
 अमतम्हि विज्जमाने किन्तव पञ्चकटुकेन पीतेन ।
 सब्बाहि कामरतियो कटुकतरा पञ्चकटुकेन ॥५०३॥
 अमतं हि विज्जमाने किन्तव कामेहि ये परिळाहा ।
 सब्बाहि कामरतियो जलिता कुथिता कुपिता सन्तापिता ॥५०४॥
 असपत्तं हि समाने किन्तव कामेहि ये बहुसपत्ता ।
 राजग्गिचोरोदकप्पियेहि साधारणा कामा बहुसपत्ता ॥५०५॥
 मोक्खम्हि विज्जमाने किन्तव कामेहि एसु वधबन्धो ।
 कामेसु हि वधबन्धो कामकामा दुक्खानि अनुभोन्ति ॥५०६॥

आदीपिता तिणुक्का गणहन्तं दहन्ति नेव मुञ्चन्तं ।
 उक्कोपमा हि कामा दहन्ति ये ते न मुञ्चन्ति ॥५०७॥
 मा अप्पकस्स हेतु कामसुखस्स विपुलं जहि सुखं ।
 मा पुथु लोमो व बळिसं गिळित्वा पच्छा विहञ्जसि ॥५०८॥
 कामं कामेसु दमस्सु ताव सुनखो व सङ्खलाबद्धो ।
 खाहन्ति खु तं कामा छाता सुनखं व चण्डाला ॥५०९॥
 अपरिमितञ्च दुक्खं बहूनि च चित्तदोमस्सानि ।
 अनुभोहिसि कामेसु युत्तो पटिनिस्सज अद्धुवे कामे ॥५१०॥
 अजरं हि विज्जमाने किन्तव कामेहि ये सुजरा ।
 मरणव्याधिगहिता सब्बा सब्बत्थ जातियो ॥५११॥
 इदमजरमिदमरं इदमजरामरणपदमसोकं ।
 असपत्तमसम्बाधं अखलितमभयं निरुपतापं ॥५१२॥
 अधिगतमिदं बहूहि अमतं अज्जापि च लभनीयमिदं ।
 यो योनिसो पयुञ्जति न च सक्का अघटमानेन ॥५१३॥
 एवं भणति सुमेधा सङ्खारगते रतिं अलभमाना
 अनुनेन्ती अनिकरत्तं केसे 'व छमं छुपि सुमेधा ॥५१४॥
 उट्ठाया अनिकरत्तो पञ्जलिको याचि तस्सा पितरं सो ।
 विस्सज्जेथ सुमेधं पब्बजितुं विमोक्खसच्चदस्सा ॥५१५॥
 विस्सज्जिता मातापितृहि पब्बजि सोकभयभीता ।
 छ अभिञ्जा सच्छिकता अगगफलं सिक्खमानाय ॥५१६॥
 अच्छरियमभुतन्तं निब्बानं आसि राजकञ्जाय ।
 पुब्बेनिवासचरितं यथा व्याकरि पच्छिमे काले ॥५१७॥
 भगवति कोणागमने संधारामहि नवनिवेसमिह ।
 सखियो तीणि जनियो विहारदानं अदासिमहा ॥५१८॥
 दसक्खत्तुं सतक्खत्तुं दससतक्खत्तुं सतानि च सतक्खत्तुं ।
 देवेसु उपपज्जिमहा को पन वादो मनुस्सेसु ॥५१९॥
 देवेसु ग्रहिद्धिका अहुमहा मनुस्सकमिह को पन वादो ।
 सत्त रतनस्स महेसी इत्थिरतनं अहं आसि ॥५२०॥
 सो हेतु सो पभवो तं मूलं सत्थु सासनं खन्ति ।
 तं पठमसमोधानं तं धम्मरताय निब्बानं ॥५२१॥

एवं कथेन्ति ये सदृहन्ति वचनं अनोमपञ्जस्स ।
निब्बिन्दन्ति भवगते निब्बिन्दित्वा विरज्जन्ती ति ॥५२२॥
सुमेधा महानिपातो समत्तो
समत्ता थेरिया गाथायो
